

অ শো ক



শ্রীসুরেন্দ্রনাথ সেন



এ, মুখা জী অ্যাণ্ড কোং লিঃ — কলি কাতা

প্রকাশক :
শ্রীঅমিয়রঞ্জন মুখোপাধ্যায়
২ কলেজ স্কোয়ার, কলিকাতা ১২

মুদ্রাকর :
শ্রী প্রতাতচন্দ্ৰ রায়
শ্রীগৌরাজ প্ৰেস লিঃ
৯ চিন্তামণি দাস লেন,
কলিকাতা

তৃতীয় সংস্করণ—১৯৫৫

মূল্য দেড় টাকা মাত্র

নিঃসঙ্গ প্রবাসে যে সকল বন্ধু ও সহকর্মীর
কথা সর্বদাই অরণ করি
‘অশোক’ তাহাদিগকে
উপহার দিলাম ।

সূচী

ভূমিকা

।৩০

১

পাঠোকার

পৃষ্ঠা ।

২

প্রিয়দর্শীর পরিচয়

পৃষ্ঠা ৫

৩

অশোকের ধর্ম-লিপি

পৃষ্ঠা ৮

৪

ইতিহাস

পৃষ্ঠা ২১

৫

অশোকের ধর্ম

পৃষ্ঠা ৩৫

৬

উপসংহার

পৃষ্ঠা ৫৭

দ্বিতীয় সংস্করণের ভূমিকা

অশোক অথবা মৌর্য্যুগ সম্বন্ধে যাহারা গবেষণা করিতে চাহেন এই ক্ষুদ্র পুস্তক তাঁহাদের জন্য নহে। বিদেশী ভাষায় লেখা বেশী দামের বই পড়িবার সুযোগ যাহাদের হয় না, তাঁহাদের সুবিধার জন্য এই পুস্তিকা সঙ্কলিত হইয়াছে। গল্প, উপাখ্যান ও কিংবদন্তীর দ্বারা পুস্তকের আকার বৃদ্ধি করিবার চেষ্টা পাই নাই; পরন্তু ঐতিহাসিক প্রগালীতে অশোক অনুশাসন হইতে নির্ভরযোগ্য যে সকল সিদ্ধান্ত করা যায়, তাহাই যথাসাথ্য সরলভাবে পাঠকের নিকট উপস্থিত করিতে প্রয়াস পাইয়াছি। এই পুস্তক-সঙ্কলনে শ্রীযুক্ত বেণীমাধব বড়ুয়া, শ্রীযুক্ত শৈলেন্দ্রনাথ মিত্র, শ্রীযুক্ত নলিনীনাথ দাশগুপ্ত ও শ্রীযুক্ত শৌরীন্দ্রনাথ রায় আমাকে বিশেষ সাহায্য করিয়াছেন; কিন্তু কোন প্রকার ভূম, প্রমাদ, দোষ, ত্রুটির জন্য তাঁহারা দায়ী নহেন। মানচিত্র অঙ্কনে শ্রীযুক্ত অমূল্যরতন সাহার সাহায্য গ্রহণ করিয়াছি। সারনাথের সিংহচতুষ্টয় ও রামপুরবার বৃষের চিত্র ডাক্তার রাধাকুমুদ মুখোপাধ্যায়ের গ্রন্থ হইতে গৃহীত হইয়াছে।

কলিকাতা বিশ্ববিদ্যালয়ের কর্তৃপক্ষ এই পুস্তকের প্রথম সংস্করণ প্রকাশ করিয়া আমাকে অনুগ্রহীত করিয়াছিলেন। বর্তমান সংস্করণ প্রকাশ করিয়াছেন কলিকাতার প্রসিদ্ধ পুস্তক-ব্যবসায়ী এ. মুখার্জী অ্যাণ্ড কোম্পানী। ইতি

১লা জ্যৈষ্ঠ, ১৩৫৫,


নয়া দিল্লী

শ্রীশুরেন্দ্রনাথ সেন

অশোকের ধর্মলিপি

ଶ୍ରୀହାଲେଖ. ୩ ; ଗିରିଲେଖ. ▲

ଶିଳାଲେଖ x ; ଶୁଷ୍ଟିଲେଖ. ୧



পাঠোদ্ধার


অনেক দিনের কথা। দিল্লীর সুলতান ফিরুজ শাহ শফরে বাহির হইয়াছিলেন। খিজিরাবাদের ২২ মাইল দক্ষিণ-পশ্চিমে তোপরা গ্রাম। সেই গ্রামে সুলতানের ছাউনি পড়িয়াছিল। তোপরা পল্লীতে দেখিবার মত জিনিস ছিল একটি মস্ত বড় পাথরের লাট। লালচে রঙের আস্ত একখানা বেলে পাথর চাঁছিয়া কুঁদিয়া পালিশ করিয়া কে জানে কোন অজানা কারিকর এই লাট তৈয়ারী করিয়াছিল। ফিরুজ শাহের সময়ের মিস্ট্রীরা পাথরে ওরকম পালিশ তুলিতে পারিত না। লাটটি লম্বায় ৪২ ফুট ৭ ইঞ্চি। সূর্যের কিরণ পড়িলে সোণার মত ঝক ঝক করিত। সুলতানের ইচ্ছা হইল এই অপূর্ব জিনিসটি নিজের রাজধানীতে লইয়া যাইবেন। কাজটা খুব সহজ হইল না। অত বড় লাট তুলিবার সময়েই জখম হইবার আশঙ্কা ছিল। আবার তোপরা গ্রাম হইতে দিল্লী পাকা নববই ক্রোশ। পথেও খুব সাবধান হইয়া চলা দরকার। সুলতানের লোকেরা রাশি রাশি শিমুল তুলা যোগাড় করিয়া আনিল। লাটের গোড়ায় সেই তুলা খুব পুরু করিয়া পাতিয়া তাহার উপর লাটটিকে আস্তে আস্তে কাত করিয়া ফেলা হইল। তার পরে ৪২ চাকার এক খানি মানুষ-টানা গাড়ীতে করিয়া সেই লাট আনা হইল যমুনার তীরে। সেখান হইতে নদী-পথে নৌকাযোগে এই বিরাট স্তম্ভ আসিয়া পৌঁছিল সুলতানের রাজধানীতে। ফিরুজ শাহ আপনার প্রাসাদ-শীর্ষে এই স্তম্ভ স্থাপন করিলেন। এখনও দিল্লীতে ফিরুজ শাহের কোটলায় এই স্তম্ভটি দেখা যায়। প্রাসাদের অবস্থা এখন অত্যন্ত শোচনীয়, দেওয়াল

ভাস্তিয়াছে, গাঁথুনি খসিয়াছে, কিন্তু যে পালিশ দেখিয়া ফিরুজ শাহ
মোহিত হইয়াছিলেন লাটের সেই পালিশ এখন পর্যাপ্ত একটুও
মলিন হয় নাই।

এত অর্থব্যয়, এত পরিশ্রম করিয়া সুলতান নববই ক্রোশ দূর
হইতে যে লাট লইয়া আসিলেন তখন কেহই তাহার পরিচয় জানিত
না। সোণার মত ঝক ঝক করে, তাই সাধারণ লোকেরা ইহার নাম
দিল সোণালী লাট ; অত বড় পাথরের স্তম্ভ, তাই কেহ কেহ ভাবিল
নিশ্চয়ই মহাবীর ভৌমসেনের সঙ্গে ইহার সম্পর্ক আছে, তাহারা নাম
দিল ভৌমসেনের স্তম্ভ। আবার সুলতান ফিরুজ শাহ আনিয়াছিলেন
বলিয়া দিল্লীর লোকেরা ফিরুজ শাহের লাট নামে ইহার পরিচয় দিত।
লাটের গায়ে কি সব লেখা ছিল। কিন্তু সে অক্ষর তখন কেহ পড়িতে
পারিত না। তাই ফিরুজ শাহের দরবারের পণ্ডিতেরা লাটের গায়ে
কোন্ ভাষায় কি লেখা আছে বলিতে পারিলেন না। ফিরুজ শাহ
রাজত্ব করিয়াছিলেন খৃষ্টীয় ১৩৫১ হইতে ১৩৮৮ সাল পর্যন্ত—৩৭
বৎসর। তাহার পরে দিল্লীতে কত সুলতান, কত বাদশাহ রাজত্ব
করিলেন। কিন্তু লাটের লেখার রহস্য ডেদ হইল না। শেষে ১৮৩৭
সালে একজন ইংরেজ পণ্ডিত এই প্রাচীন লিপির পাঠোদ্ধার করিলেন।

ফিরুজ শাহের লাটের গায়ে যে-রকম অক্ষর লেখা দেখা যায়
ইতিমধ্যে ভারতবর্ষের বিভিন্ন জায়গায় সেই রকম অক্ষরে লেখা
আরও অনেক উৎকৌর্গ লিপি পাওয়া গিয়াছিল। সুতরাং পণ্ডিত-
মহলে এই সকল লিপির পাঠোদ্ধারের জন্য খুব চেষ্টা চলিতেছিল।
জেম্স প্রিসেপ এই রকমের কতকগুলি ছোট ছোট উৎকৌর্গ লিপির
প্রতিলিপি পরীক্ষা করিতেছিলেন। এই লিপিগুলি পাওয়া গিয়াছিল
সাঁচীর প্রাচীন বৌদ্ধ স্তুপের ভগ্নাবশেষের মধ্যে। এক এক লাইনের
এক এক লিপি ; এগুলি কি কোন বড় শিলালিপির বিভিন্ন অংশ না
এক একটি সম্পূর্ণ লিপি তাহাও জানা ছিল না। প্রিসেপ ধরিয়া

লইলেন যে সন্দৰ্ভঃ এক এক লাইনেই এক একটি শিলালিপি সমাপ্ত হইয়াছে। তাৱপৰ তিনি লক্ষ্য কৱিয়া দেখিলেন যে প্ৰত্যেকটি শিলালিপিৰই শেষেৰ ছইটি অক্ষর এক রকমেৰ। এই ছইটি অক্ষরেৰ পৰিচয় পাইলে এই প্ৰাচীন লিপিৰ পাঠোঙ্কাৰেৰ একটা উপায় হইতে পাৱে। ছই অক্ষরে কিসেৰ কথা লেখা যাইতে পাৱে, “দানেৰ” না “মৃত্যুৱাৰ”? অল্প কথায় আৱ কি বলা যায়? হঠাৎ তাহাৰ মনে পড়িল ব্ৰহ্ম দেশেৰ এক একটা বড় বৌদ্ধ মন্দিৰেৰ প্ৰাঙ্গণে ভিন্ন ভিন্ন লোকে ছোট ছোট চৈত্য নিৰ্মাণ কৱে, ধৰ্জা স্থাপন কৱে, ভগবান্ বুদ্ধেৰ মূৰ্তি প্ৰতিষ্ঠা কৱে, আৱ ধৰ্জায় ভক্ত দাতাৰ নাম ও দানেৰ কথা লেখা থাকে। এখানেও সেই রকম কিছু হওয়াই ত সন্দৰ্ভ ? তাহা হইলে, শেষেৰ ছইটি অক্ষর হইতেছে “দ” ও “ন”-



এই ভাবে প্ৰাচীন লিপিৰ ছইটি অক্ষরেৰ পৰিচয় পাওয়া গেল। প্ৰিসেপ ভাবিলেন যে তাহাৰ অনুমান ঠিক হইলে এই ছইটি অক্ষরেৰ আগেৰ অক্ষরটি হইবে সম্বন্ধসূচক “-স”। এই তিনটি অক্ষরেৰ সাহায্যে তিনি ক্ৰমশঃ বাকী সকল অক্ষর, স্বৰবৰ্ণেৰ চিহ্ন, যুক্তাক্ষর, সমস্ত ঠিক কৱিয়া ফেলিলেন এবং সাঁচীৰ দানলিপিগুলিৰ পাঠোঙ্কাৰ হইল। তখন তিনি দিল্লী-তোপৰাৰ সন্ত-লিপিও পড়িলেন। দেখা গেল যে এই লিপিৰ গোড়াতেই আছে “দেবানং পিয় পিয়দসি” (=“দেবতাদিগেৰ প্ৰিয় প্ৰিয়দৰ্শী”) নামক একজন অজানা রাজাৰ উল্লেখ। গিৱনাৰ বা প্ৰাচীন বৈবতকেৱ গিৱিগাত্ৰে উৎকীৰ্ণ লিপিতেও

এই রাজাৰ নাম পাওয়া গেল। আৱও অনেক জায়গায় শৈলমূলে ও
স্তুতিগাত্ৰে প্ৰিয়দৰ্শী রাজাৰ নামেৰ উৎকীৰ্ণ-লিপি পাওয়া গেল।


কেবল তাহাই নহে, প্ৰিয়দৰ্শীৰ উৎকীৰ্ণ-লিপিগুলিৰ পাঠোদ্ধাৰ
হইবাৰ পৰ দেখা গেল যে গিৱনাৱেৰ গিৱলিপিতে যে চতুৰ্দিশটি
অনুশাসন আছে অন্তান্ত প্ৰদেশে আৱও কয়েকটি গিৱলিপিতে
তাহাৱহ পুনৱাবৃত্তি কৱা হইয়াছে। ফিরুজ শাহেৰ কোটলাৰ প্ৰস্তৱ-
স্তৰে যে সাতটি অনুশাসন আছে তাহাৰ প্ৰথম ছয়টি অন্তৰ শিলা-
স্তৰে উৎকীৰ্ণ হইয়াছে। ভাষাৰ সামান্য পাৰ্থক্য থাকিলেও গিৱলিপি
এবং স্তৰলিপিগুলিৰ উদ্দেশ্য এক। এই সকল উৎকীৰ্ণ লিপিতে
দেবতাদিগেৰ প্ৰিয় প্ৰিয়দৰ্শী রাজাৰ প্ৰজাবাসলা ও ধৰ্মানুৱাগেৰ
পৱিচয় পাওয়া যায়। দেশ-বিদেশে মহুষ্য ও পশ্চিমিসার জন্ম
তিনি কি ব্যবস্থা কৱিয়াছিলেন, প্ৰজামাত্ৰেৰ পাৱলৌকিক মঙ্গল-
কামনায় তিনি তাহাদিগকে কি উপদেশ দিয়াছিলেন তাহাৰ বিবৰণ
পাওয়া যায়। পঞ্চিতোৱা এই সকল শিলালিপিতে এমন একজন
রাজাৰ সন্ধান পাইলেন যিনি দিঘিজয়েৰ অভিলাষ পৱিত্ৰ কৱিয়া
ধৰ্ম প্ৰচাৰে উঠোগী হইয়াছিলেন, “বিহাৰ-যাত্ৰা” পৱিত্ৰ্যাগ কৱিয়া
“ধৰ্ম-যাত্ৰা”য় রত হইয়াছিলেন, সমস্ত সম্প্ৰদায়েৰ প্ৰতি, সমস্ত জীবে
যিনি সমদৰ্শী ছিলেন, সৰ্বলোক-হিত যিনি জীবনেৰ ব্ৰত বলিয়া গ্ৰহণ
কৱিয়াছিলেন, যাহাৰ “ধৰ্মঘোষে” দুন্দুভি-নিনাদ স্তৰ হইয়াছিল।
তখন সকলেই এই অসাধাৰণ রাজাৰ পৱিচয় জানিবাৰ জন্ম উৎসুক
হইলেন।

প্রিয়দর্শীর পরিচয়

পুরাণে প্রিয়দর্শীর উল্লেখ পাওয়া যায় না। কৃপনাথ, সাহসরাম ও বৈরাটের গিরিলিপিতে প্রিয়দর্শীর নাম নাই। আছে কেবল “দেবানং পিয়”। অথচ অক্ষরের সাদৃশ্য, ভাষার সাদৃশ্য এবং বক্ত্বার উদ্দেশ্য বিবেচনা করিলে কোনই সন্দেহ থাকে না যে গিরনারের শিলালিপি ও দিল্লী-তোপরার স্তম্ভলিপি যে রাজার আদেশে লিখিত হইয়াছিল কৃপনাথ, সাহসরাম ও বৈরাটের গিরিলিপিও তাহারই আদেশে লেখা হইয়াছে। প্রিন্সেপ সাহেব প্রিয়দর্শীর উৎকীর্ণ-লিপির পাঠোক্তার করিয়াই ক্ষান্ত হন নাই, প্রিয়দর্শীর পরিচয় বাহির করিবার জন্মও উদ্গ্ৰীব হইয়াছিলেন। ভারতবর্ষের কাব্যে, পুরাণে যখন প্রিয়দর্শীর পরিচয় পাওয়া গেল না তখন তিনি সিংহলের প্রাচীন ইতিহাসের আশ্রয় লইলেন। প্রাচীন কালে ভারতবর্ষের সহিত সিংহলের বিশেষ যোগাযোগ ছিল। সিংহলের ইতিহাস “দীপবংশে” (পালি নাম “দীপবংস”) তিস্ম নামক রাজাকে দেবানং পিয় তিস্ম বলা হইয়াছে; অতএব প্রিন্সেপ অনুমান করিলেন যে তিস্ম ও পিয়দসি একই বাক্ত্ব, ভারতবর্ষের বিভিন্ন স্থানে “দেবানং পিয় পিয়দসি” রাজার, অথবা কেবল মাত্র “দেবানং পিয়” বা শুধু “পিয়দসি” রাজার নামে যে সকল লিপি পাওয়া গিয়াছে তাহা প্রকৃত পক্ষে সিংহলরাজ দেবানং পিয় তিস্মেরই লিপি। কিন্তু প্রিন্সেপের এই অনুমান ঠিক হইল না।

কলিকাতা-বৈরাট শিলা-লিপির প্রারম্ভেই প্রিয়দর্শী রাজা আপনাকে “মাগধ” (পিয়দসি লাজা মাগধে সংঘং অভিবাদেতুণং

আহা=মাগধ রাজা প্রিয়দর্শী সংঘকে অভিবাদন করিয়া বলিতেছেন)
বলিয়া পরিচয় দিয়াছেন। তিসুস মগধের রাজা ছিলেন না। গিরনার
গিরিলিপির পঞ্চম অনুশাসনের শেষ অংশ পাঠ করিলে বুঝা যায়
পাটলিপুত্র নগর দেবানাং প্রিয় প্রিয়দর্শী রাজার রাজধানী ছিল।
আবার মৌর্য রাজা অশোকের পৌত্র দশরথ নাগার্জুনী পাহাড়ের
গুহালিপিতে নিজের নামের সহিত দেবানাং প্রিয় উপাধি ব্যবহার
করিয়াছেন। সিংহল-প্রবাসী পণ্ডিত টার্নার (Turnour) দেখাইলেন
যে দ্বীপবংশে সন্ত্রাট অশোককে বহু স্থানে প্রিয়দর্শী বা
প্রিয়দর্শন বলা হইয়াছে। সুতরাং গিরিলিপি ও স্তন্ত্রলিপির প্রিয়দর্শী
রাজা অশোক ব্যতীত অপর কেহ নহেন। প্রিসেপও পরিশেষে
এই মতই গ্রহণ করিয়াছিলেন। কেহ কেহ মনে করিতেন যে
অশোকের পিতামহ চন্দ্রগুপ্তও “প্রিয়দর্শী” হইতে পারেন, কারণ
মুদ্রারাঙ্কস নাটকে চন্দ্রগুপ্তের “প্রিয়দর্শন” নাম পাওয়া যায়। গিরি-
লিপিতে প্রিয়দর্শীর সমসাময়িক পাঁচ জন ‘যবন’ রাজার নাম আছে।
চন্দ্রগুপ্ত তাঁহাদের সময়ে জীবিত ছিলেন না। সুতরাং এই মতও
পণ্ডিত-সমাজে গৃহীত হয় নাই। ১৯১৫ সালের জানুয়ারী মাসে
নিজাম রাজ্যের অন্তর্গত রায়চুর জেলার মস্কি গ্রামের অদূরে একখানি
শিলালিপি আবিস্কৃত হইবার পর এ বিষয়ে সকল সন্দেহের অবসান
হইয়াছে। এই লিপির প্রারম্ভে “দেবানং পিয়স অসোকস” অর্থাৎ
“দেবানাং প্রিয়স্ত অশোকস্ত” পদ পাওয়া গিয়াছে। মস্কি-লিপি
অসম্পূর্ণ হইলেও সাহসরামের গিরিলিপির সহিত ইহার ভাষার এক্য
আছে। সুতরাং দেবানাং প্রিয় প্রিয়দর্শী এবং দেবানাং প্রিয় অশোক
যে একই ব্যক্তি তাহাতে আর সন্দেহ নাই। বলা বাহুল্য
“দেবানাং প্রিয়” একটি উপাধি, কাহারও নাম নহে। প্রিয়দর্শীর
উৎকীর্ণ-লিপিতে কোথাও কোথাও “দেবানাং পিয়ের” প্রতিশব্দ
হিসাবে “রাজা” শব্দের ব্যবহার দেখা যায়।



যসকি লিপিৰ তিন ছজ
দেবনাং প্ৰয়াণ অসোকন्

অশোক

প্রিয়দর্শী অশোক সম্বন্ধে পুরাণ ও বৌদ্ধ শাস্ত্রে অনেক অবদান
ও আধ্যায়িকা আছে। আধ্যায়িকা ইতিহাস নহে। অশোকের
রাজত্বের নির্ভরযোগ্য বিবরণ এবং তাহার জীবনের আদর্শ ও
কার্য্যাবলীর পরিচয় তাহার উৎকৌণ-লিপিগুলিতেই পাওয়া যায়।
অতএব এখানে অশোকের গিরিলিপি ও স্তম্ভলিপিগুলির সংক্ষিপ্ত
বিবরণ ও সংস্কার-স্থলের আলোচনা অপ্রামলিক হইবে না।

অশোকের ধর্ম-লিপি

একালের পঞ্চতোরা আলোচনার সুবিধার জন্য প্রিয়দর্শীর উৎকৌণ্ঠ-লিপিগুলিকে বিষয়বস্তু অনুসারে চারিটি শ্রেণীতে ভাগ করিয়াছেন। অশোকের অনুশাসনগুলি পর্বত-গাত্রে, শিলাফলকে, গিরি-গুহায় অথবা শিলা-স্তম্ভে উৎকৌণ্ঠ। গিরি-লিপি ও স্তম্ভলিপি-গুলিকে অশোক স্বয়ং “ধর্মলিপি” নাম দিয়াছিলেন। উত্তর-পশ্চিম সীমান্ত প্রদেশের দুইটি, যুক্ত প্রদেশের একটি এবং কাথিয়াবাড়ের একটি গিরি-লিপিতে চতুর্দশটি করিয়া অনুশাসন আছে। উৎকলে আবিষ্কৃত অশোকের দুইটি গিরি-লিপিতে এই চৌদ্দটি অনুশাসনের মধ্যে মাত্র এগারটি আছে এবং উপরন্ত নৃতন দুইটি অনুশাসন সন্নিবেশিত হইয়াছে। বোম্বাইর নিকট অষ্টম অনুশাসন সম্বলিত একটি ভগ্ন শিলাখণ্ড মাত্র পাওয়া গিয়াছে। ইহা সাধারণতঃ গণনার মধ্যে না আসিলেও অনুমান করা যাইতে পারে যে এখানেও পূর্বোক্ত চতুর্দশটি অনুশাসন খোদিত হইয়াছিল। এই চতুর্দশ অনুশাসনের উৎকৌণ্ঠ-লিপিগুলি আকারে অশোকের অন্যান্য ধর্ম-লিপি অপেক্ষা বড়। এই ছয়টি স্থানের লিপিগুলি ইংরাজীতে Rock Edicts নামে পরিচিত। আমরা সুবিধার জন্য এই গুলিকে গিরিলেখমালা বলিব, এবং অন্যান্য গিরি-লিপিকে শৈললেখমালা (Minor Rock Edicts) বলিয়া উল্লেখ করিব। স্তম্ভলিপিগুলি এইরূপে দুই ভাগে বিভক্ত হইতে পারে। ছয়টি স্তম্ভে দিল্লী-তোপরার ছয়টি অনুশাসন লিপি পাওয়া যায়। এই স্তম্ভলিপিগুলিকে স্তম্ভলেখমালা এবং অন্যান্য স্তম্ভলিপিকে লাটলেখমালা বলা যাইবে।

ଅ ଅ ଃ ଲ ଆ ର

অ অ ঃ ল আ র

+ ୭,୮ ୯ ୧୦ (୯) ୧୦୯୨୮୫

ক থ গ ঘ ড চ ছ জ ব এ

କୋର୍ଟ୍‌ରେଖା ପ୍ରତିବିଦ୍ଧି

ଟ ଠ ଡ ଡ ଢ ଣ ତ ଥ ଦ ଧ ନ

ଶ ଷ ଗା ହ ଧର ମା ଯ ଯ ବଳ

ଠ ଠ, ମ ତ ଲ ଟ, ଟ, ଟ ଏ

ର ଶ ସ ସ ହ ଲ ;

f f f t t k k +

କା କି କୀ କୁ କ୍ର କେ କୋ କ୍ରଃ

ପାତ୍ର ପାତ୍ର ପାତ୍ର ଏଫିଲ

କ୍ଷ କ୍ଷ କ୍ଷ କ୍ଷ ପ୍ରେ ପ୍ରେ ଟା ଡ୍ର ଧ

ଶ୍ରୀପୁରୁଷପୁରୁଷପୁରୁଷପୁରୁଷ

ପ୍ର ପ୍ର, (ଅ)ହ ର୍ବ(ଅ) ବା ବା(ଯ୍ବ)ତ୍ତ ସ୍ଟ ସ୍ତ ଭ୍ର

ଅଶୋକ ଲିପି ।

(ଶ୍ରୀଯුଦ୍ଧ ଚାର ବଞ୍ଚ ଓ ଶ୍ରୀଯුଦ୍ଧ ଲାଲିତ କର ମହାଶୟର “ଅଶୋକ”

ହଇତେ ଗୃହୀତ ଓ ନାମାନ୍ତ ସଂଶୋଧିତ)

দিল্লী-তোপরার স্তম্ভলিপি যে অক্ষরে লেখা হইয়াছে তাহাকে ব্রাহ্মী অক্ষর বলে। এই ব্রাহ্মী অক্ষর হইতেই আধুনিক দেবনাগরী, বাঙ্গলা, গুজরাটী ও ওড়িয়া বর্ণমালার উৎপত্তি হইয়াছে। উত্তর-পশ্চিম প্রদেশে প্রাপ্ত দুইটি গিরিলিপি ব্যতীত অশোকের আর সমস্ত উৎকৌণ-লিপিই ব্রাহ্মী অক্ষরে লিখিত। উত্তর-পশ্চিম প্রদেশের দুই স্থানে অশোকের গিরিলিপিমালা পাওয়া গিয়াছে। এই দুই স্থানেই অন্ত এক রকমের অক্ষরের বাবহার দেখা যায়। এই অক্ষরকে খরোষ্টী বা খরোঙ্গী বলে। ব্রাহ্মী অক্ষর বাম দিক হইতে দক্ষিণ দিকে লেখা হয়। খরোষ্টী আধুনিক ফাসী ও আরবী বর্ণমালার স্থায় দক্ষিণ হইতে বাম দিকে লিখিত হইত। প্রিসেপ, লাসেন, নরিস্ ও কানিংহাম এই পশ্চিত-চতুর্ষয়ের চেষ্টায় খরোষ্টী অক্ষরে লিখিত অশোকের ধর্মলিপিগুলির পাঠোদ্ধার হইয়াছিল। ব্রাহ্মী লিপির পাঠোদ্ধার কালে প্রিসেপ সাহেবকে অনেকটা অনুমানের উপর নির্ভর করিতে হইয়াছিল। খরোষ্টী লিপির পাঠোদ্ধার কার্যে কতকগুলি প্রাচীন মুদ্রার সাহায্য পাওয়া গিয়াছে। উত্তর-পশ্চিম সৌমান্ত ও আধুনিক পঞ্জাবে এক সময় শক ও ঘবন (গ্রীক) রাজাদিগের আধিপত্য ছিল। ঘবন ও শক রাজাদিগের মুদ্রায় দুই রকমের বর্ণমালার বাবহার দেখা যায়। ভারতীয় ঘবন রাজাদিগের মুদ্রায় গ্রীক ও খরোষ্টী উভয় অক্ষরেই রাজার নাম লেখা হইত। সুতরাং গ্রীক ভাষার সাহায্যে শুটি কয়েক খরোষ্টী অক্ষর পড়া গিয়াছিল এবং ক্রমশঃ পরিচিত অক্ষরের সাহায্যে অপরিচিত অক্ষরগুলির পরিচয় পাওয়া গিয়াছিল।

পেশোয়ার হইতে প্রায় চলিশ মাইল দূরে শাবাজগড়ী গ্রাম। এই গ্রামের অদূরে পর্বতগাত্রে খরোষ্টী অক্ষরে উৎকৌণ চতুর্দিশ অনুশাসন মালার ধর্মলিপি আছে। ১৮৩৬ সালে মহারাজা রণজিৎ সিংহের সেনাপতি কোট শাবাজগড়ীর গিরি-লেখমালার কথা

পশ্চিতসমাজের গোচর করেন। দুই বৎসর পরে কাপ্তেন বার্ণসের চেষ্টায় ইহার ছাপ লওয়া হইয়াছিল। ঐ বৎসরই ম্যাসন্ সাহেবও শাবাজগড়ীর অনুশাসনমালার প্রতিলিপি প্রস্তুত করেন। খরোঢ়ী অক্ষরে লিখিত গিরিলেখমালার দ্বিতীয় প্রস্ত পাওয়া গিয়াছে সৌমান্ত প্রদেশের এবটাবাদ সহর হইতে ১৫ মাইল উত্তরে মানসেরা গ্রামে। গ্রামের উত্তর দিকে তিনটি পাথরের চাঙড়ের উপর অনুশাসনগুলি খোদা হইয়াছিল। বলা বাহ্য যে অশোকের সময় উত্তর-পশ্চিম সৌমান্ত প্রদেশে খরোঢ়ী বর্ণমালার ব্যবহার ছিল বলিয়াই তিনি শাবাজগড়ী ও মানসেরার অনুশাসনমালা। ঐ অক্ষরে লেখাইয়াছিলেন। ভারতবর্ষের অন্তর্গত প্রদেশের সাধারণ লোকেরা বোধ হয় খরোঢ়ী পড়িতে পারিত না, তাই তাহাদের স্ববিধার জন্য আর সকল জায়গায় ব্রাহ্মী অক্ষরের ব্যবহার হইয়াছে। কালের প্রভাবে ঝড়-বৃষ্টিতে উৎকৌণ-লিপিগুলির অনেক ক্ষতি হইয়াছে। কোথাও কোথাও পাথর ক্ষয় হওয়ায় অক্ষর অস্পষ্ট হইয়া গিয়াছে। আবার কোন কোন জায়গায় পাথর ভাঙিয়া গিয়াছে। সুতরাং চতুর্দশ অনুশাসনমালার শুল্ক ও সম্পূর্ণ পাঠ প্রস্তুত করিতে হইলে বিভিন্ন প্রদেশে প্রাপ্ত ছয়টি গিরিলেখই মিলাইয়া দেখা প্রয়োজন।

১৮৬০ খ্রিষ্টাব্দে ফরেষ্ট, সাহেব যুক্ত প্রদেশের দেরাদুন জেলার অনুর্গত কাল্সী গ্রামের অদূরে যমুনার পশ্চিম তৌরে একটা প্রকাণ্ড কোয়াটেজ পাথরের চাঙড়ে অশোকের আর একটি গিরিলেখ আবিষ্কার করেন। কাল্সী গ্রাম মুসুরী হইতে ১৫ মাইল পশ্চিমে। এই লেখটির দক্ষিণ দিকে একটি হাতৌর রেখা-চিরি আছে। “গজতমে” বা গজশ্রেষ্ঠ বলিয়া এই হাতৌর পরিচয় দেওয়া হইয়াছে।

গিরিলেখমালার মধ্যে সর্বপ্রথম আবিষ্কৃত হয় গিরনার লিপি। ১৮২২ সালের ডিসেম্বর মাসে প্রসিদ্ধ ঐতিহাসিক মেজর (পরে কর্ণেল) জেমস্ টড় জুনাগড় হইতে এক মাইল পূর্বে গিরনার

গিরিগাত্রে প্রায় ১০০ বর্গফুটবাট্টা এক বিরাট উৎকৌণ্ঠ-লিপি দেখিতে পান। তখনও প্রিসেপ অশোকলিপির পাঠোকার করেন নাই, সুতরাং টড়ও তাহার আবিষ্কৃত গিরিলেখের মর্মাদ্যাটন করিতে পারেন নাই। পরে জানা গিয়াছিল যে গিরনার লিপিতেও প্রিয়দর্শীর চতুর্দশ অনুশাসনই লিপিবদ্ধ হইয়াছে। ১৮১১ সালে গিরনারের গিরিলেখ অক্ষত ছিল, কিন্তু পরে তৌর্যাত্রীদের সুবিধার জন্য পথ-নিষ্পাণ-কালে বারুদ সহযোগে পাথর ভাঙিয়া পঞ্চম ও ত্রয়োদশ অনুশাসনের ক্ষয়দংশ নষ্ট করিয়া ফেলা হয়। কয়েক বৎসর পূর্বে উৎকৌণ্ঠ-লিপি-সম্বলিত ছাই খানি ভাঙা পাথর পাওয়া গিয়াছে। ইহাতে ত্রয়োদশ অনুশাসনের নষ্টাবশেষের কিছু কিছু আছে। এই পাথর ছাইখানি এখন জুনাগড়ের যাতুঘরে রাখা হইয়াছে। গিরনার গিরিলিপিতে প্রতোকটি অনুশাসন সরল রেখা টানিয়া পৃথক করিয়া দেখান হইয়াছে। অশোকের অনুশাসন বাতৌত গিরনার পাঠাড়ে আরও ছাইটি উল্লেখযোগ্য উৎকৌণ্ঠ-লিপি আছে। প্রথমটিতে মহাক্ষত্রপ রুদ্রদামন মৌর্য সম্রাট চন্দ্রগুপ্তের কর্মচারী (রাষ্ট্রীয়) পুষ্যগুপ্ত কর্তৃক নিষ্পিত সুদর্শন নামক জলাশয়ের সংস্কারের কথা লিখিয়াছেন। সত্রাট অশোকের রাজত্বকালে যবন রাজা তুয়াল্প এই জলাশয়ে পয়ঃপ্রণালী যোগ করিয়াছিলেন। দ্বিতীয় উৎকৌণ্ঠ-লিপি ষষ্ঠিসত্রাট সন্দগুপ্তের সময়ের। তাহার কর্মচারী সুরাত্ত্বের শাসনকর্তা পর্ণদত্ত-তনয় চক্রপালিত আবার সুদর্শন জলাশয়ের সংস্কার করিয়াছিলেন।

বোম্বাই প্রদেশের ঠানা জিলার অন্তর্গত সোপারা প্রাচীন কালে এক সমৃদ্ধিশালী বাণিজ্য-কেন্দ্র ছিল। তখন ইহার নাম ছিল সূর্পারক। এক সময়ে এখানে অনেক হিন্দু ও বৌদ্ধ মন্দির ছিল। দেশ-বিদেশের বহু বণিক ব্যবসায় উপলক্ষে সূর্পারকে যাতায়াত করিত। এইখানে ১৮১২ সালে পঙ্গিত ভগবানলাল ইন্দ্রজী উৎকৌণ্ঠ-লিপি-সম্বলিত একটি শিলাখণ্ড আবিষ্কার করেন। ইহাতে

গিরিলেখমালার অষ্টম অনুশাসনের এক-তৃতীয়াংশ পরিমাণ আছে। এই পাথরখানি রয়াল এশিয়াটিক সোসাইটির বোন্সাই শাখার ধাতুঘরে রক্ষিত হইয়াছে।

গিরিলেখমালার বাকী দুইটি পাওয়া গিয়াছে বঙ্গোপসাগরের উপকূলে উড়িষ্যায়। অশোকের সময়ে এই প্রদেশের নাম ছিল কলিঙ্গ। ভুবনেশ্বরের সাত মাইল দক্ষিণে ধৌলি গ্রামে ১৮৩৭ সালে লেপ্টেনান্ট কিটো একটি গিরিলেখ আবিষ্কার করেন। পাহাড়ের গায়ে প্রায় ১৫০ বর্গফুট পরিমিত স্থান ঠাঁছিয়া পালিশ করিয়া তাহার উপর অনুশাসনগুলি গভীরভাবে খোদা হইয়াছিল। কাল্সী লিপির পাশে একটি হাতীর চিত্র উৎকৌণ্ড আছে। ধৌলি লিপির উপরিভাগে পাহাড় কাটিয়া একটি হস্তিদেহের সম্মুখের ভাগ নির্মিত হইয়াছে। গঙ্গাম জিলার গঙ্গাম সহরের ১৮ মাইল উত্তর-পশ্চিমে জোগড় নামক একটি প্রাচীন দুর্গের জীর্ণাবশেষ দেখিতে পাওয়া যায়। এইখানে অধিকুল্য নদীর তীরে উড়িষ্যার দ্বিতীয় গিরিলেখ পাওয়া গিয়াছে। ধৌলি ও জোগড় লিপির একটু বিশেষত্ব আছে। এই দুইটি লিপিতে শাবাজগড়ী, মানসেরা, কাল্সী ও গিরনারের গিরিলেখমালার একাদশ, দ্বাদশ ও ত্রয়োদশ অনুশাসন নাই। তাহার পরিবর্তে আছে দুইটি অতিরিক্ত অনুশাসন। অশোক তাহার চতুর্দশ অনুশাসনে বলিয়াছেন যে স্থান-ভেদে অথবা লিপিকরের ক্রটিতে কোথাও কোথাও তাহার ধর্মলিপি সংক্ষিপ্ত করা হইয়াছে। লিপিকরের ক্রটিতে ধৌলি ও জোগড় লিপিতে তিনটি অনুশাসন পরিত্যক্ত হইয়াছে বলিয়া মনে হয় না। অশোক অনুশাসনে কলিঙ্গবিজয় ও তজ্জনিত অসংখ্য লোকক্ষয়ের কথা আছে। কলিঙ্গ দেশের গিরিলেখমালায় অশোক বোধ হয় সেই অগ্রীতিকর কাহিনীর পুনরাবৃত্তি করা সমীচীন বিবেচনা করেন নাই।

শৈললেখমালা এ পর্যন্ত উত্তর ও দক্ষিণ ভারতে আটটি বিভিন্ন স্থানে পাওয়া গিয়াছে। আধুনিক মধ্যপ্রদেশের শৌমানাবাদ টেশন হইতে ১৪ মাইল পশ্চিমে কৃপনাথ পাহাড়। এখানে কৃপনাথ শিবের মন্দির আছে। প্রত্যেক বৎসর মেলা উপলক্ষে কৃপনাথে বহু লোকের ভিড় হয়। বোধ হয় প্রাচীন কালেও এই শিবতীর্থে বহু যাত্রীর সমাগম হইত এবং তাহাদেরই অবগতির জন্ম এই শ্঵াপনদসঙ্কুল নির্জন শৈলগাত্রে দেবতাদিগের প্রিয় অশোক ছয় ছত্রে আপনার ধর্মজীবন ও ধর্মনীতির কথা লিপিবদ্ধ করিয়াছিলেন। দক্ষিণ বিহারের শাহাবাদ জিলার সাহসরাম সহরের হই মাইল পূর্বে চন্দনপীর পাহাড়ের একটি গুহায় কৃপনাথ-লিপির অনুরূপ আর একটি শৈললেখ আছে। জয়পুর রাজ্যের বৈরাট গ্রামের অদূরে হইতি শৈললেখ পাওয়া গিয়াছে। বৈরাট হইতে এক মাইল উত্তর-পূর্বে “ভৌম কি ডুঙ্গরী” নামক পাহাড়ে যে অশোকলিপি আছে তাহা কৃপনাথ ও সাহসরাম লিপিয়ই পুনরাবৃত্তি। এই লিপিটির অধিকাংশই নষ্ট হইয়া গিয়াছে। বৈরাটের প্রথম লিপি আবিষ্কৃত হইবার প্রায় ত্রিশ বৎসর পূর্বে ১৮৪০ সালে কাপ্তেন বাট ঐ গ্রামের নিকটেই $2' \times 2' \times 1$ পরিমিত একটি গ্রেণাইট পাথরের টুকরায় খোদিত আর একটি অশোক-লিপি আবিষ্কার করেন। এই শৈললেখ এখন কলিকাতার রয়াল এশিয়াটিক সোসাইটির হেপাজতে আছে। এক সময় বৈরাট হইতে ছয় ক্রোশ দূরবর্তী ভাবক গ্রামের নামানুসারে এই লেখটি “ভাবরা” বা “ভাবরু” লিপি বলিয়া অভিহিত হইত। হৃষ্টশ্চ সাহেব তাহার অন্তে এই শিলালিপির নাম দিয়াছেন “কলিকাতা-বৈরাট শৈললেখ”। কলিকাতা-বৈরাট লিপিতেই প্রিয়দর্শী “মাগধ” বা মগধ-দেশীয় রাজা বলিয়া আপনার পরিচয় দিয়াছেন এবং বৃক্ষ, ধর্ম ও সভ্যের প্রতি আনুগত্য প্রকাশ করিয়াছেন। বৌদ্ধ ধর্ম-শাস্ত্রের কোন কোন সূত্র বা সূত্রাংশের প্রতি প্রিয়দর্শীর

বিশেষ অঙ্কা ছিল এই লিপিতে তাহারও আভাস পাওয়া যায়। মস্কি লিপির কথা ইতিপূর্বেই বলা হইয়াছে। ১৯১৫ সালের জানুয়ারী মাসে সি, বৌডন নামক একজন এঞ্জিনীয়ার এই শৈললেখ আবিষ্কার করেন। পরলোকগত কৃষ্ণ শাস্ত্রী মহাশয় ইহার ইংরাজী অনুবাদ করেন। তিনি বলেন যে চালুক্য ও যাদব রাজাদিগের উৎকৌণ-লিপিতে মস্কি গ্রামের নাম পাওয়া যায়। ১৮৯২ সালে মিঃ বি, এল, রাইস মহীশূর রাজ্যের ব্রহ্মগিরি, সিদ্ধাপুর এবং জটিঙ্গ রামেশ্বর পাহাড়ে আরও তিনটি শৈললেখ আবিষ্কার করেন। এই লেখ তিনটিতে রূপনাথ, সাহসরাম, বৈরাট ও মস্কির অনুশাসন ব্যতীত আরও একটি অনুশাসন আছে। এই তিনটি শৈললেখের লিপিকরের নাম “চপড়”। চপড় কর্তৃক উৎকৌণ লেখতিনটির মধ্যে ব্রহ্মগিরি-লিপির অবস্থাই ভাল। ব্রহ্মগিরি-লিপি তের ছত্রে, এবং সিদ্ধাপুর-লিপি ২২ ছত্রে লেখা হইয়াছে, জটিঙ্গ রামেশ্বর লিপিতে কম পক্ষে ২৮ ছত্র লেখা আছে।

এতদ্বাতীত মাদ্রাজ প্রেসিডেন্সির কুণ্ডল জিলার অন্তর্গত গুলি সহর হইতে ৮ মাইল দূরে যেরাণ্ডি গ্রামের অদূরে যেনকোণে বাগজগিরিতে একই জায়গায় চতুর্দিশ গিরিলেখমালা এবং শৈললেখমালা পাওয়া গিয়াছে। ১৯২৯ সালে বাঙালী খনিতত্ত্ববিদ् শ্রীযুক্ত অনু ঘোষ মহাশয় এই অঞ্চলে ভ্রমণকালে ছয়টি পাথরের চাঙড়ের উপর এই উৎকৌণ লিপিগুলি দেখিতে পান এবং ইহার প্রতি সরকারী প্রত্নতত্ত্ব-বিভাগের দৃষ্টি আকর্ষণ করেন। ঘোষ মহাশয় স্বয়ং “দেবানং” এবং “পিয়দসি” এই দুইটি শব্দ পাঠ করিতে পারিয়াছিলেন। সুতরাং যেনকোণের উৎকৌণ লিপিগুলি যে অশোকের অনুশাসন সে বিষয়ে প্রথম অবধি কোনই সন্দেহ ছিল না। যেরাণ্ডি লিপির বিশেষত্ব এই যে এখানকার মত অন্ত কোথাও একই জায়গায় গিরিলেখমালা ও শৈললেখমালা পাওয়া যায় নাই। এখানকার

শৈললেখমালা মহীশূরে প্রাপ্ত তিনটি শৈললেখমালার অনুরূপ হইলেও প্রথমে ইহার পাঠোকার কৰা যায় নাই। পরে কলিকাতা বিশ্ববিদ্যালয়ের অধ্যাপক বেণীমাধব বড়ুয়া এবং শৈলেন্দ্রনাথ মিত্র লক্ষ্য কৰেন যে যেরাগুড়ি-লিপির এই অংশ ব্রাহ্মী অক্ষরে লেখা হইলেও ইহার প্রত্যেক পংক্তির এক অঙ্কেক দক্ষিণ হইতে বামে এবং অপরাঞ্চ বাম হইতে দক্ষিণে লেখা। ব্রাহ্মী অক্ষরে সাধারণতঃ বাম হইতে দক্ষিণে লিখিবার নিয়ম। ইহার পূর্বে কেবল একটি মুদ্রায় ব্রাহ্মী লিপিতে দক্ষিণ হইতে বামে লেখা রাজার নাম পাওয়া গিয়াছিল। যেরাগুড়ি-লিপি হইতে প্রমাণ পাওয়া যাইতেছে যে ব্রাহ্মী অক্ষরেও কথন কথনও দক্ষিণ হইতে বামে লেখা হইত। ত্রীয়ুত ঘোষ মহাশয় মনে কৰেন যে অশোক-অনুশাসনের নিকটেই কোথাও হয়ত হাতৌর প্রস্তর মূর্তি অথবা রেখা ছিল, সেই জন্য পাহাড়টির নাম হইয়াছে যেনকোণ অথবা গজগিরি। কিন্তু এখন পর্যন্ত ওখানে হাতৌর মূর্তি অথবা ছবি পাওয়া যায় নাই। স্মৃতরাঙ এই অনুমান ঠিক কিনা বলা যায় না।

গয়ার ১৫ মাইল উত্তরে বরাবর-গিরিতে রাজা প্রিয়দর্শী আজীবিকদিগকে তিনটি গুহা দান করিয়াছিলেন। গুহা তিনটির মধ্যে যে দানলিপি আছে তাহাতে দাতা কেবল রাজা প্রিয়দর্শী বলিয়া আপনার পরিচয় দিয়াছেন। অভিষেকের দ্বাদশ বৎসরে তিনি আজীবিক সন্ন্যাসীদিগকে ছাইটি গুহা দিয়াছিলেন, তৃতীয় গুহা দান করিয়াছিলেন অভিষেকের একোনবিংশতি বৎসরে। নাগার্জুনী পর্বতে অশোকের পৌত্র দেবানাং প্রিয় দশরথও আজীবিক সম্প্রদায়ের সাধুদিগের বাসের জন্য তিনটি গুহা দান করিয়াছিলেন।


দিল্লী-তোপরার অশোকস্তম্ভের কথা পূর্বেই বলা হইয়াছে। এই স্তম্ভটিতে অশোকের সাতটি অনুশাসন আছে। সুলতান ফিরজ শাহ মৌরাট হইতেও একটি অশোকস্তম্ভ দিল্লীতে নহিয়া আসিয়াছিলেন

এবং কুশ্ক-ই-শিকার বা যুগ্যাবাসের অদূরে পাহাড়ের উপরে এই স্তম্ভটি স্থাপন করিয়াছিলেন। দিল্লী-মীরাট স্তম্ভলিপিতে দিল্লী-তোপরার সাতটি অনুশাসনের প্রথম ছয়টির সঙ্কান পাওয়া যায়। এই স্তম্ভটি ভাসিয়া পাঁচ-টুকরা হইয়া গিয়াছিল; এখন আবার ভাঙ্গা টুকরাগুলি জুড়িয়া আগের জায়গায় খাড়া করা হইয়াছে। বিহারের চম্পারণ জিলায় তিনটি অশোকস্তম্ভ পাওয়া গিয়াছে। প্রথমটির সংস্থান-স্থল কেসরিয়ার বিশ মাইল উত্তর-পশ্চিমে লৌরিয়া গ্রামে, দ্বিতীয়টির সংস্থান-স্থল বেতিয়া হইতে ১৫ মাইল দূরে আর এক লৌরিয়া গ্রামে। স্থানীয় লোকের ধারণা যে এই দুইটি লাটই শিবলিঙ্গ এবং সেই জন্ত দুই গ্রামের লৌরিয়া নাম হইয়াছে। যাহা হউক, দুই গ্রামেরই এক নাম হওয়াতে স্তম্ভের পরিচয়ের গোলমাল হইতে পারে, এই জন্ত দুই লৌরিয়ার সহিত পার্শ্ববর্তী দুইটি গ্রামের নাম যোগ করা হইয়াছে। প্রথম স্তম্ভটি এখন লৌরিয়া-অররাজের স্তম্ভ নামে পরিচিত। দ্বিতীয়টিকে লৌরিয়া-নন্দনগড়ের স্তম্ভ বলা হয়। নন্দনগড়ের পার্শ্ববর্তী লৌরিয়ার অধিবাসীদিগের বিশ্বাস যে মধ্যম পাওব ভৌমসেন তাহাদের গ্রামে এই বিরাট শিবলিঙ্গ স্থাপন করিয়াছিলেন। দুইটি স্তম্ভেই দিল্লী-তোপরার ছয়টি অনুশাসন উৎকীর্ণ হইয়াছে। পরলোকগত পশ্চিত ভিনসেন্ট স্মিথ বলেন যে লৌরিয়া-অররাজ-স্তম্ভের শীর্ষে একটি গুরুত্ব-মূর্তি ছিল। লৌরিয়া-নন্দনগড়ের স্তম্ভের মাথায় উত্তরাঞ্চল একটি সিংহমূর্তি আছে; চম্পারণ জিলার তৃতীয় অশোকস্তম্ভ বেতিয়া হইতে ৩২½ মাইল উত্তরে রামপুরবা গ্রামে অবস্থিত। এই স্তম্ভেও দিল্লী-তোপরা স্তম্ভলেখের ছয়টি অনুশাসন রহিয়াছে। স্তম্ভটি অনেক দিন হইল পড়িয়া গিয়াছে। স্তম্ভের মাথার সিংহমূর্তি ও ভাসিয়া গিয়াছে। এলাহাবাদের হুর্গের ভিতর আর একটি অশোক-স্তম্ভ আছে। এই স্তম্ভে দিল্লী-তোপরার ছয়টি অনুশাসন ব্যতীত “রাণীর

অনুশাসন” এবং কৌশাসী অনুশাসন লিপিবদ্ধ হইয়াছে। পরবর্তী কালে এই স্তম্ভের গাত্রেই আবার মহারাজাধিরাজ সমুজ্জ্বলের দিঘিজয়কাহিনী-সম্বলিত প্রশংসিত উৎকীর্ণ হইয়াছে। ১৬০৫ খ্রষ্টাব্দে বাদশাহ জাহাঙ্গীরও এইখানে তাঁহার পূর্বপুরুষদিগের নাম লিখাইয়াছিলেন। এতদ্ব্যতীত লাটের গায়ে কতকগুলি নাগরী লেখাও দেখা যায়। এলাহাবাদ-স্তম্ভে একটি লিপিতে দেবানাং প্রিয় কৌশাসীর মহামাত্রদিগকে আদেশ জ্ঞাপন করিয়াছেন বলিয়া মনে হয় যে পূর্বে এই স্তম্ভ কৌশাসীতেই (এলাহাবাদ হইতে ২৮ মাইল দূরে যমুনার বাম তীরে বর্তমান কোসম গ্রামে) স্থাপিত হইয়াছিল, পরে এলাহাবাদে স্থানান্তরিত হইয়াছে। কেহ কেহ মনে করেন যে সুলতান ফিরজ শাহই এই স্তম্ভটি কোসম হইতে এলাহাবাদে আনিয়াছিলেন। কিন্তু তাহা না হইতেও পারে, কারণ ফিরজ শাহ স্তম্ভটি পাইলে তোপরা ও মীরাটের স্তম্ভের মত আপনার রাজধানী দিল্লীতেই লইয়া যাইতেন। স্তম্ভ’গাত্রে যখন সজ্জাট জাহাঙ্গীরের ১৬০৫ খ্রষ্টাব্দের লিপি পাওয়া যাইতেছে তখন অনুমান করা যাইতে পারে যে এই বৎসরের পূর্বেই সন্তুষ্টঃ বাদশাহ আকবরের রাজত্ব কালে কোসম স্তম্ভ এলাহাবাদে আসিয়াছিল। এখন এই স্তম্ভটি “এলাহাবাদ-কোসম স্তম্ভ” নামে পরিচিত। ১৮০৪ সালে কর্ণেল কিড় স্তম্ভটিকে মাটিতে নামাইয়া রাখেন। ১৮৩৪ সালে প্রিসেপ সাহেবের অনুরোধে লেফ্টেনাণ্ট বাট্ট এই স্তম্ভের একটি সচিত্র বিবরণ প্রকাশ করেন। তিনি বলেন যে স্থানীয় লোকেরা এই শিলাস্তম্ভটিকে মহাভারতের মহাবীর ভৌমের গদা বলিয়া মনে করিত। ১৮৩৮ সালে কাপ্টেন এডোয়ার্ড স্মিথের তত্ত্বাবধানে এলাহাবাদ-কোসম লাট আবার স্থাপিত হয়। জাহাঙ্গীরের রাজত্বের পূর্বেই স্তম্ভের মাথার সিংহমূর্তি ভাঙিয়া গিয়াছিল। ১৮৩৮ সালে স্মিথ সাহেবের পরিকল্পিত একটি

সিংহ স্তম্ভের মাথায় বসান হইয়াছে। কানিংহামের মতে এই সিংহটি
একেবারেই বেমানান् হইয়াছে।

এই ছয়টি স্তম্ভ ব্যতীত এয়াবৎ অশোকলিপি-সম্বলিত আরও
চারিটি স্তম্ভ পাওয়া গিয়াছে। মধ্যভারতের সাঁচীতে প্রাচীনকালে
বিরাট বৌদ্ধস্তুপ ছিল। এই স্তুপের সম্মুখেই অশোক একটি স্তম্ভ
স্থাপন করিয়াছিলেন। স্তম্ভ-শীর্ষে চারিটি সিংহ ছিল। স্তম্ভের
অদূরে সিংহ-চতুষ্টয়ের মূর্তি পাওয়া গিয়াছে। বোধি-লাভের
পর বুদ্ধের বারাণসীর অদূরে সারনাথে ধর্ম প্রচার করিতে
গিয়াছিলেন। এখানেও একটি অশোক-স্তম্ভ আছে। স্তম্ভ-শীর্ষে
চারিটি সিংহ পিঠাপিঠি দাঁড়াইয়া আছে। সিংহচতুষ্টয়ের মধ্যে
এক সময়ে একটি ধর্মচক্র ছিল, তাহা ভাঙিয়া গিয়াছে।
চীনদেশের পরিব্রাজক যুয়ান চোয়াং সারনাথে “অশোকরাজ”-
নির্মিত একটি স্তুপ ও তাহার প্রাঙ্গণে ৭০ ফুট উচ্চ একটি স্তম্ভ
দেখিয়াছিলেন। বর্তমান স্তম্ভের উচ্চতা ৩৭ ফুটের বেশী নহে।
হয় যুয়ান চোয়াং স্তম্ভের উচ্চতা সঠিক অঙ্গুমান করিতে পারেন
নাই, না হয় তিনি যে স্তম্ভ দেখিয়াছিলেন তাহা নষ্ট হইয়া
গিয়াছে। সাঁচী ও সারনাথের লাট-লেখমালায় সজ্যের শৃঙ্খলা-
ভঙ্গকারী ভিক্ষু ও ভিক্ষুণীদিগের শাস্তির বিধান আছে। ১৮৯৬ সালের
ডিসেম্বর মাসে ডাঃ ফুরার নেপালের তরাই জঙ্গলে রঞ্জিন্দেন
মন্দিরের নিকট একটি অশোকস্তম্ভ আবিষ্কার করেন। রঞ্জিন্দেনের
লাট-লেখ হইতে জানা যায় যে এইখানেই ভগবান্ বুদ্ধ জন্মগ্রহণ
করিয়াছিলেন। অভিষ্ঠেকের বিংশতি বর্ষে অশোক লুহিনী-গ্রামে
আসিয়া স্তম্ভস্থাপন করেন। যুয়ান চোয়াং বলেন যে এই স্তম্ভশীর্ষে
একটি প্রস্তরের অশুমূর্তি ছিল। স্তম্ভের উপরিভাগ ভাঙিয়া গিয়াছে,
অশুমূর্তির চিহ্নমাত্রও এখন অবশিষ্ট নাই। বাঙালী প্রস্তুতাত্ত্বিক
৩পূর্ণচন্দ্র মুখোপাধ্যায় রঞ্জিন্দেনের যে বিবরণ দিয়াছেন তাহাতে



সারনাথের অশোক-স্তম্ভের শিরোভাগ

দেৱা যাই যে স্থানীয় মণ্ডিৱের অভ্যন্তরে বুদ্ধের জমের চিত্র উৎকীর্ণ হইয়াছে। ১৮৭৫ সালে তুলাইয়ের জঙ্গলে নিগালী-সাগর নামক জলাশয়ের তৌৰে ডাঃ ফুরার্ আৱ একটি অশোক-স্তম্ভ দেখিতে পাইয়াছিলেন। স্তম্ভটি ভাঙিয়া গিয়াছে এবং ইহার ছই টুকুৱার বেশী পাওয়া যায় নাই। স্থানীয় লোকেৱ মতে নিগালীসাগৱ-স্তম্ভ ভৌমসেনেৱ ছ'কা। এখানকাৱ লাট-লেখেৱ মৰ্ম এই যে এখানে অশোক তাহাৱ অভিষেকেৱ চতুর্দিশ বৎসৱে কনকমুনি বুদ্ধেৱ স্তুপেৱ আয়তন দ্বিগুণ বৃদ্ধি কৱিয়াছিলেন এবং অভিষেকেৱ [বিংশতি?] বৎসৱে স্বয়ং আসিয়া পূজা কৱিয়াছিলেন ও স্তম্ভস্থাপন কৱিয়াছিলেন। যুৱান চোয়াং এই স্তম্ভ দেখিয়াছিলেন। তিনি বলেন যে কনকমুনি বুদ্ধেৱ দেহাবশেষেৱ উপৱ রচিত স্তুপেৱ প্রাঙ্গণে এই স্তম্ভ স্থাপিত হইয়াছিল এবং স্তম্ভশীৰ্ষে একটি সিংহমূর্তি ছিল। নিগালীসাগৱ-স্তম্ভেৱ ভগ্নাবশেষ যেখানে পাওয়া গিয়াছে তাহাৱ নিকটে যুৱান চোয়াং-এৱ কথিত স্তুপেৱ সন্ধান এখন পৰ্যাপ্ত পাওয়া যায় নাই।

অশোকেৱ সমস্ত স্তম্ভ ও গিৱিলিপি এখনও আবিষ্কৃত হইয়াছে বলিয়া মনে হয় না। যুৱান চোয়াং যে ১৬টি অশোক-স্তম্ভেৱ কথা লিখিয়াছেন তাহাৱ মধ্যে ছইটিৰ বেশী এখনও সনাক্ত কৱা যায় নাই। হয়ত ভবিষ্যতে আৱণ্ড' অশোক-স্তম্ভ ও অশোক-লিপি আবিষ্কৃত হইতে পাৱে। এ ষাৱৎ আমাদেৱ বাঙালা দেশেৱ সৌমানাৱ ভিতৱ্যে একখানি অশোক-লিপিৰ আবিষ্কৃত হয় নাই। এই বৎসৱ ১১ই ডিসেম্বৱেৱ খবৱেৱ কাগজে প্ৰকাশ বিহুপ্ৰদেশেৱ দত্তিয়া রাজ্যেৱ গুজৱৱা গ্ৰামে অশোকেৱ আৱ একটি উৎকীর্ণ লিপি পাওয়া গিয়াছে। এই উৎকীর্ণ লিপিতে রাজাৱ নাম দেৰানাং প্ৰিয় প্ৰিয়দৰ্শী অশোক। বৌদ্ধধৰ্ম প্ৰচাৱেৱ উদ্দেশ্যে অশোকেৱ ২৫৬ দিন ব্যাপী অমণেৱ কথা এই লিপিতে আছে। মস্কি লিপিতে অশোকেৱ নাম আছে, প্ৰিয়দৰ্শী নাই। এক জায়গায় প্ৰিয়দৰ্শী ও অশোক নাম এই প্ৰথম পাওয়া গেল।

হিন্দুদিগের প্রাচীন শাস্ত্রগ্রন্থগুলি সংস্কৃতভাষায় লেখা। বৌদ্ধদিগের ধর্মগ্রন্থ প্রথমে পালিভাষায় লেখা হইত, পরবর্তীকালে বৌদ্ধ পণ্ডিতেরা সংস্কৃতভাষায় গ্রন্থ রচনা করিতেন। অশোকের ধর্মলিপি সংস্কৃত অথবা পালিভাষায় লেখা হয় নাই, লেখা হইয়াছে প্রাকৃত। বিভিন্ন স্থানের ধর্মলিপির ভাষার মধ্যেও অন্ত-বিস্তর পার্থক্য দেখা যায়; যথা, গিরনারের প্রথম অঙ্গুশাসনে মযুর-বাচক “মোরা” শব্দ পাই। কাল্সীতে ইহার পরিবর্তে “মজুল” এবং শাবাজগড়ী ও মানসেরাতে “মজুর” পাঠ আছে। গিরনার, কাল্সী, ধোলি ও জোগড়ের “ধর্মলিপি”র পরিবর্তে শাবাজগড়ী ও মানসেরায় “ধ্রমদিপি” শব্দের প্রয়োগ হইয়াছে। আবার গিরনারের “রাণেণ্টা”র স্থানে কাল্সী ও জোগড়ে “লাজিনে” এবং মানসেরায় “রজিনে” পাঠ পাওয়া যায়। তবে কি অশোক বিভিন্ন অঞ্চলের ধর্মলিপিতে স্থানীয় ভাষা ব্যবহার করিয়াছিলেন? সে ভাষা কি সাধু ভাষা না প্রাদেশিক কথ্য ভাষা? এই প্রশ্নের সঠিক উত্তর দিতে না পারিলেও একথা নিঃসন্দেহে বলা যায় যে বহুজনের হিতের জন্য অশোক যে ধর্মলিপি লেখাইয়াছিলেন তাহার ভাষাও সাধারণ লোকেরা বুঝিতে পারিত। তাহার ধর্মলিপিগুলি সারনাথ, লুম্বিনী, নিগালীসাগর, গিরনার ও কুপনাথের মত তীর্থস্থানে পাওয়া গিয়াছে; মানসেরা সেকালের একটি প্রধান তীর্থের পথে অবস্থিত; সূর্পারক বা সোপারা সেকালের একটি প্রধান বাণিজ্যকেন্দ্র। সুতরাং মনে করা যাইতে পারে যে অশোকের ধর্মলিপি যে ভাষায় লিখিত হইয়াছিল তাহা বুঝিতে সাধারণ তীর্থযাত্রী বা হাটবাজারের লোকের কোনই অসুবিধা হইত না।

ইতিহাস

উৎকৌর্ণ লিপিগুলিতে অশোকের বংশপরিচয় পাওয়া যায় না। তিনি কালসী, শাবাজগড়ী ও মানসেরা গিরিলেখের অষ্টম অনুশাসনে তাহার পূর্ববর্তী “দেবানাং প্রিয়”-দিগের বিহার-যাত্রার উল্লেখ করিয়াছেন কিন্তু তাহাদের নাম বলেন নাই। পরিজনদিগের মধ্যে এলাহাবাদ-কোসম স্তন্ত্র-লেখমালায় “রাণীর অনুশাসনে” দ্বিতীয়া রাণী “কালুবাকী” (চারুবাকী) ও তাহার পুত্র “তৌবলের” (তৌবর) নাম আছে। গিরি-লেখের পঞ্চম অনুশাসন হইতে অনুমান হয় যে তাহার একাধিক পুত্র ও পৌত্র ছিল। “দহীলথ” (দশরথ)-নামক এক রাজা গয়ার নিকট নাগার্জুনী পর্বতে আজীবিকদিগের বাসের নিমিত্ত তিনটি গুহা দান করিয়াছিলেন। পশ্চিতেরা স্থির করিয়াছেন যে ইনি অশোকের পৌত্র। উৎকৌর্ণ লিপিতে অশোকের ভ্রাতা ও ভগুনদিগের অবরোধনের কথা পাওয়া যায়, কিন্তু তাহাদের নাম পাওয়া যায় না। তাহার পিতা ও পিতামহের কথা জানিতে হইলে সমসাময়িক ঘবন (গ্রীক) পশ্চিতদিগের লিখিত বিবরণ ও পুরাণ পাঠ করিতে হয়।

অশোকের পিতার নাম বিনুসার, পিতামহের নাম চন্দ্রগুপ্ত। চন্দ্রগুপ্ত দিঘিজয়ী সম্রাট ছিলেন। কৃটবৃক্ষ চাণক্যের সাহায্যে তিনি নন্দ-বংশের উচ্ছেদ করিয়া মগধের সিংহাসন অধিকার করিয়াছিলেন। ঘবন পশ্চিতদিগের মতে তিনি কিছুদিন গ্রীকবৌর আলেকজান্ডারের আশ্রয় গ্রহণ করিয়াছিলেন। পরে কোন কারণে আলেকজান্ডার তাহার প্রতি অসন্তুষ্ট হইলে তিনি প্রাণভরে গ্রীক

শিবির হইতে পলায়ন করেন। আলেকজাণ্ডারের মৃত্যুর পর চন্দ্রগুপ্ত পঞ্জদের পার্বত্য সেনাদিগের সাহায্যে গ্রীকদিগকে পরাজিত করিয়া উত্তর ভারতে আপনার প্রাধান্য স্থাপন করেন। আলেকজাণ্ডারের অন্তম সেনাপতি সেলুকাস্ নিকাটৰ চন্দ্রগুপ্তের হস্তে পরাজিত হইয়া তাহার সহিত সঙ্গি করেন। সেলুকাসের দৃত মেগাস্থিনীস্ চন্দ্রগুপ্তের রাজা ও রাজধানীর বিস্তৃত বিবরণ লিখিয়াছিলেন। কালক্রমে তাহার এন্ত লোপ পাইয়াছে, কিন্তু অন্যান্য গ্রীক লেখকেরা তাহার বিবরণের অনেক অংশ স্ব স্ব গ্রহে উন্নত করিয়াছিলেন। পুরাণ-মতে চন্দ্রগুপ্ত ২৪ বৎসর ও বিন্দুসার ২৫ বৎসর মগধে রাজত্ব করিয়াছিলেন। ষ্ট্রাবো লিখিয়াছেন যে সান্ত্রুকোটিসের (চন্দ্রগুপ্ত) পুত্র অমিত্রাদেসের (অমিত্রঘাত) দরবারে ডেইমেকস্ নামক গ্রীকদৃত আসিয়াছিলেন। তিনিও মেগাস্থিনীসের মত আপনার ভারত-প্রবাসের কথা লিপিবদ্ধ করিয়াছিলেন। সুতরাং দেখা যাইতেছে যে বিন্দুসার অমিত্রঘাত নামেও পরিচিত ছিলেন এবং সেকালের গ্রীক রাজারা চন্দ্রগুপ্ত ও বিন্দুসারের দরবারে দৃত পাঠাইতেন।

অশোকের বাল্যকাল সম্বন্ধে সঠিক কিছুই জানা যায় না। প্রবাদ আছে যে যৌবনে তিনি অত্যন্ত তুর্বত্তি ছিলেন; এই প্রবাদ সত্য নাও হইতে পারে। আরও প্রবাদ আছে যে তিনি পিতার রাজত্বকালে প্রাদেশিক শাসনকর্ত্তার কার্য করিয়াছিলেন। অশোকের উৎকৌর-লিপিতে দেখা যায় যে কোন কোন প্রদেশের শাসনভার রাজকুমারদিগের হস্তে অপিত হইত, সুতরাং দ্বিতীয় প্রবাদ একেবারে অযুলক না হইতে পারে। আবার এমন কথাও শুনা যায় যে তিনি সিংহাসনের লোভে ভ্রাতাদিগকে হত্যা করিয়াছিলেন। উৎকৌর-লিপিতে ভ্রাতাদিগের অবরোধনের কথা থাকায় একালের পণ্ডিতেরা এই প্রবাদে আস্তা স্থাপন করিতে পারেন নাই। আবার কেহ কেহ

আপনি করিয়াছেন যে আতাদিগের অবরোধনের উল্লেখ থাকিলেই যে তখন আত্মাও জীবিত ছিলেন এমন কথা নিশ্চিত বলা যায় না। যাহা হউক, এগুলি অনুমান ও তর্ক-বিতর্কের বিষয়। পিতার মৃত্যুর পর যে কারণেই হউক এবং যে উপায়েই হউক অশোক পিতৃ-সিংহাসনের অধিকারী হইয়াছিলেন ইহা অবিসংবাদিত সত্য। কিন্তু সিংহাসন অধিকারের সঙ্গে সঙ্গেই কি তাহার অভিষেক হইয়াছিল? উৎকৌণ-লিপিগুলিতে দেখা যায় যে অশোক বারংবার অভিষেকের বৎসরের কথাই উল্লেখ করিয়াছেন, যথা, “অভিষেকের দ্বাদশ বৎসরে আমি একপ আজ্ঞা করিলাম”, বা “প্রিয়দর্শী রাজা অভিষেকের একোনবিংশতি বৎসরে”; কিন্তু “রাজস্ত্রের দ্বাদশ বর্ষে” বা “রাজস্ত্রের একোনবিংশতি বর্ষে” একপ পাঠ কোথাও পাওয়া যায় না। এই জন্ম কেহ কেহ মনে করেন যে সিংহাসনারোহণের চারি বৎসর পরে অশোকের অভিষেক হইবার যে প্রবাদ আছে তাহা খুব সম্ভব সত্য। উত্তরাধিকার লইয়া যদি যুদ্ধ-বিগ্রহ হইয়া থাকে তবে যথারীতি অভিষেক হইতে কয়েক বৎসর বিলম্ব হওয়া বিচিত্র নহে। কিন্তু অনুশাসনের প্রত্যেক শব্দে একপ বিশিষ্ট অর্থ আরোপ করা সঙ্গত হইবে কিনা তাহাও বিবেচনার বিষয়। সিংহাসনারোহণের বৎসরেই যদি অভিষেক হইয়া থাকে তাহা হইলে রাজস্ত্রের বৎসর ও অভিষেকের বৎসরও অভিন্ন। এদেশে সিংহাসনারোহণ অপেক্ষা অভিষেকের গুরুত্ব বেশী। সুতরাং আপনার কার্য্যাবলীর কথা বলিতে গিয়া অশোক যদি কেবল অভিষেকের বৎসরের কথাই উল্লেখ করিয়া থাকেন তাহা হইতে এ কথা প্রমাণিত হয় না যে তাহার অভিষেকে নানা কারণে বিলম্ব ঘটিয়াছিল। উৎকৌণ-লিপিগুলি পাঠ করিলে মনে হয় যে প্রথম জীবনে পিতা ও পিতামহের স্থায় অশোকও হিন্দু ছিলেন। তখন সাধারণ হিন্দুরাজাদিগের আচার ব্যবহারই তিনি মানিয়া চলিতেন।

অশোকের বাল্য-জীবন সম্বন্ধে কোন কথা না জানিলেও উৎকৌণ্ড-লিপিগুলির সাহার্যেই আমরা অন্যান্যে তাহার কাজ নির্ণয় করিতে পারি। হিসাবে সামান্য ভূল হইলেও মোটামুটি বলা যাইতে পারে যে অশোক খৃষ্টপূর্ব তৃতীয় শতাব্দীর মধ্যভাগে ত্রিশ বৎসরের বেশী রাজত্ব করিয়াছিলেন। গিরিলেখমালার দ্বিতীয় অনুশাসনে প্রিয়দর্শী প্রত্যন্ত দেশের রাজা হিসাবে অংতিয়োক-নামক যোন বা যবন রাজার নাম করিয়াছেন। ঐ সেখমালারই অয়োদ্ধা অনুশাসনে তিনি অংতিয়োকের চারিজন প্রতিবেশী যবন রাজারও কথা বলিয়াছেন। ধর্মলিপির ভাষায় ইহাদের নাম তুরময়, অংতিকিনি, মক ও অলিকসুদর। যবনরাজ অংতিয়োক রাজত্ব করিতে অশোকের রাজ্য হইতে ছয়শত ঘোজন দূরে, অপর চারিজন তাহারও ওধারে। আধুনিক পণ্ডিতদিগের চেষ্টায় এই পাঁচজন গ্রীক রাজার পরিচয় পাওয়া গিয়াছে। তাহারা স্থির করিয়াছেন যে অনুশাসনের অংতিয়োক সিরিয়ার প্রথম অথবা দ্বিতীয় এন্টিয়োকস্, তুরময় মিসরের গ্রীক রাজা দ্বিতীয় টলেমি, অংতিকিনি মাকিদন্ অধিপতি এন্টিগোনস্ গোনাটস্, মক কাইরেনের রাজা মগস্; অলিকসুদর হয় এপিরাসের রাজা আলেকজাঞ্চার, না হয় করিষ্ঠের রাজা আলেকজাঞ্চার। সুতরাং এই সকল রাজা যখন জীবিত ছিলেন তখন অশোকের রাজত্বের অন্ততঃ ১৩ বৎসর অতীত হইয়াছে। কারণ অয়োদ্ধা অনুশাসনে অশোকের অভিবেকের অষ্টম বৎসরের ঘটনার এবং পঞ্চম অনুশাসনে অভিবেকের অয়োদ্ধা বৎসরের ঘটনার উল্লেখ আছে।

এইবার অশোকের উল্লিখিত গ্রীক রাজাদিগের রাজত্বের সময় হিসাব করা যাইক। অংতিয়োক প্রথম কি দ্বিতীয় এন্টিয়োকস্ এবং অনুশাসনের অলিকসুদর এপিরাস্ অথবা করিষ্ঠের রাজা তাহা নিশ্চিতরাপে স্থির না হওয়া পর্যন্ত হিসাবে কয়েক বৎসরের গোলমাল

থাকিয়াই যাইবে, কিন্তু খৃষ্টপূর্ব তৃতীয় শতাব্দীর ঘটনা ও সময় আলোচনার কালে অন্ত কয়েক বৎসরের পার্থক্য ধর্জন নহে। সিরিয়ার প্রথম এন্টিয়োকস্ খঃ পূঃ ২৮০ হইতে ২৬১ সাল পর্যন্ত রাজত্ব করিয়াছিলেন। তাহার পুত্র দ্বিতীয় এন্টিয়োকসের রাজত্বকাল খঃ পূঃ ২৬১ হইতে ২৪৬। মিশরের দ্বিতীয় টলেমি বা তুরময় খঃ পূঃ ২৮৫ হইতে ২৪৭ সাল পর্যন্ত রাজ্যশাসন করেন। মাকিদনের এন্টিগোনস্ গোনাটস্ খঃ পূঃ ২৭৬ হইতে ২৩৯ সাল পর্যন্ত রাজত্ব করিয়াছিলেন। কাইরেনের মগস্ খঃ পূঃ ৩০০ হইতে ২৫৮ পর্যন্ত বিয়ালিশ বৎসর শাসনদণ্ড পরিচালনা করিয়াছিলেন। করিষ্ঠের আলেকজাঞ্চারের রাজত্বকাল খৃষ্টপূর্ব ২৫২ হইতে ২৪৪ সাল পর্যন্ত। অলিকসুদ্র এপিরাসের রাজা হইলে তাহার শাসনকাল খঃ পূঃ ২৭২ হইতে ২৫৫ পর্যন্ত। অতএব দেখা যাইতেছে যে খঃ পূঃ ২৫০ বৎসরের কাছাকাছি কোন সময়ে অশোকের অভিষেকের অথবা রাজত্বের অয়োদশ বর্ষ পড়ে।

উৎকৌণ-লিপির প্রমাণের সাহায্যেই অশোকের সাম্রাজ্যের সীমান্ত মোটামুটি অনুমান করা যায়। গিরিলিপি ও স্তম্ভলিপিগুলি অশোকের সাম্রাজ্যের ভিতরই লেখা হইয়া থাকিবে। তাহা হইলে উত্তরে দেরাদুন জিলা ও নেপালের তরাই হইতে দক্ষিণে নিজাম রাজ্য ও মহীশূরের চিতলছুর্গ জিলা পর্যন্ত এবং পশ্চিমে গিরনার ও সোপারা হইতে পূর্বে কলিঙ্গ বা উড়িষ্যা পর্যন্ত এবং উত্তর-পশ্চিমে পেশোয়ার ও হাজারা জিলা পর্যন্ত অশোকের সাম্রাজ্য বিস্তৃত ছিল। গিরিলেখমালার দ্বিতীয় অনুশাসনে অশোক প্রত্যন্ত দেশ হিসাবে আতাম্রপণী চোড়, পাঞ্জ, সত্যপুত্র, কেরলপুত্র এবং অংতিয়োকনামক যোন রাজ্যার রাজ্য ও তৎসন্নিহিত অন্য রাজ্যের কথা উল্লেখ করিয়াছেন। অয়োদশ অনুশাসনে অংতিয়োক ও তাহার প্রতিবেশী-চতুর্ষয়ের এবং চোড়পাঞ্জদিগের নাম আছে। এই সকল প্রত্যন্ত দেশ বা প্রত্যন্ত দেশস্থ জাতিদিগের বিষয় সকল কথা আমাদের

জানা না থাকিলেও মোটামুটি বলা যাইতে পারে যে তাত্রপর্ণ* বা সিংহল পর্যন্ত বিস্তৃত চোল, চের, পাঞ্জ্যরাজ্য, মালাবার উপকূল এবং উত্তর-পশ্চিম সৌমান্তের ওপারে অংতিয়োকের রাজ্য অশোকের সাম্রাজ্যের বাহিরে ছিল। প্রত্যন্ত দেশের মধ্যে বাঙালার নাম পাওয়া, যাইতেছে না। তবে কি বঙ্গদেশ অশোকের সাম্রাজ্যের অন্তর্ভুক্ত ছিল? তাহা হইলে আধুনিক বাঙালার সৌমানার মধ্যে কোন অশোক-লিপি পাওয়া যায় নাই কেন? চীন দেশীয় পরিব্রাজকেরা তাত্রলিপি বা আধুনিক তমলুকে নাকি সন্ত্রাট অশোকের নির্মিত স্তুপ দেখিয়াছিলেন। এখন তমলুক হইতে মৌর্য শাসনের এই প্রাচীন নির্দশন লুপ্ত হইয়াছে। তাত্রলিপি ছিল সমুদ্রের তৌরে সমৃদ্ধ বন্দর, তমলুক এখন সমুদ্র হইতে বহুদূরে। কোথায় ভূগর্ভে প্রাচীন তাত্রলিপির সৌধরাজি সমাহিত হইয়াছে কে বলিবে?

হিমালয় হইতে মহীশূর, শুরাষ্ট্র হইতে কলিঙ্গ পর্যন্ত যে বিস্তৃত সাম্রাজ্য প্রিয়দর্শী অশোক আধিপত্য করিতেন তাহার কতটুকু তিনি উত্তরাধিকারসূত্রে পাইয়াছিলেন, কতটুকুই বা বাহুবলে জয় করিয়াছিলেন? গিরিলেখমালার অয়োদশ অনুশাসনে প্রিয়দর্শী কলিঙ্গ বিজয়ের কর্তৃণ কাহিনী লিপিবন্ধ কৃত্যাছেন। শুতরাং কলিঙ্গ রাজ্য তাহার পিতা ও পিতামহের শাসনাধীন ছিল না মনে করিলে অন্তায় হইবে না। অভিযোকের অষ্টম বর্ষে অশোক কলিঙ্গ জয় করেন। তাহার পূর্বে কখনও যুদ্ধবিগ্রহে লিপ্ত হইয়া থাকিলেও কলিঙ্গবিজয়ই বোধ হয় তাহার জীবনের শেষ যুদ্ধ। এই সময় হইতেই তাহার জীবনের গতি ফিরিয়া গেল।

অনুশাসনের প্রমাণ হইতে দেখা যাইতেছে যে অশোকের সাম্রাজ্যের পরিসর ছিল পশ্চিমে এন্টিয়োকসের রাজ্যের সৌমান্ত

* কেহ কেহ বলেন ইহা চিঙ্গেনের জিলার একটি নদীর নাম।

হইতে পূর্বে কলিঙ্গ অবধি আর উত্তরে হিমালয়ের পাদদেশ হইতে দক্ষিণে চোল, চের, পাঞ্জা, সত্যপুত্র, কেরলপুত্র প্রভৃতি স্বাধীন রাজ্যের উত্তর সীমা পর্যন্ত। কলিঙ্গ অশোক নিজে জয় করিয়াছিলেন। সাম্রাজ্যের অপরাপর অংশ পিতা ও পিতামহের নিকট হইতে উত্তরাধিকারস্থুত্রে পাইয়া থাকিবেন।

এই বহুবিস্তৃত সাম্রাজ্যের কতকগুলি নগর ও প্রদেশের নামও অশোকের অনুশাসনে আছে। পূর্বেই বলিয়াছি যে কলিকাতা-বৈরাট শিলালিপির প্রারম্ভে অশোক “মাগধ” বলিয়া আপনার পরিচয় দিয়াছেন। ইতিহাসেও বলে যে মগধেই চন্দ্রগুপ্ত ও বিন্দুসার রাজত্ব করিতেন। সেকালে মগধের রাজধানী ছিল পাটলিপুত্রে বা বর্তমান পাটনায়। সুতরাং গিরনার গিরিলেখমালার পঞ্চম অনুশাসনে অশোক যখন “পাটলিপুত্রে ও বাহিরে” তাহার আতা ও ভগীদিগের অবরোধনের কথা বলিতেছেন এবং অন্তর্ত পাটলিপুত্রের পরিবর্তে “হিন্দ” (অর্থাৎ অত্র) শব্দের ব্যবহার করিয়াছেন তখন তিনি যে রাজধানী হিসাবেই পাটলিপুত্রের উল্লেখ করিয়াছেন সে বিষয়ে বিশেষ সন্দেহ থাকে না। এখন আমরা যে অর্থে সচরাচর চলিত ভাষায় “কলিকাতায় ও মফঃস্বলে” বলিয়া থাকি গিরিলেখমালার পঞ্চম অনুশাসনের “পাটলিপুত্রে ও বাহিরে” সেইরূপ অর্থেই লেখা হইয়া থাকিবে।

পাটলিপুত্র ব্যতীত মগধের আরও একটি নগরের নাম অশোকের অনুশাসনে পাওয়া যায়। গিরিলেখমালার অষ্টম অনুশাসনে আছে যে অভিবেকের দশমবর্ষে দেবতাদিগের প্রিয় প্রিয়দর্শী “সঙ্ঘোধি” গমন করিয়াছিলেন। সঙ্ঘোধি বর্তমান বৌধগয়া, যেখানে শাক্যমুনি বৌধি লাভ করিয়াছিলেন।

ধৌলির অতিরিক্ত অনুশাসন ছাইটিতে “তোসলিয়ং মহামাতা” বা তোসলীর মহামাতা এবং জৌগড়ের অতিরিক্ত অনুশাসন ছাইটিতে

“সমাপায়ং মহমতা” বা সমাপার মহামাত্রদিগকে অশোকের অনুভা জ্ঞাপন করা হইয়াছে। তোসলীতে একজন “কুমার” থাকিতেন। সুতরাঃ নববিজিত কলিঙ্গ-রাজ্যের রাজধানী তোসলীতে ছিল মনে করা অসঙ্গত হইবে না। আর জৌগড় অঞ্চলের শাসনকেন্দ্রের নাম বোধ হয় সমাপা ছিল। সেকালে জৌগড় পাহাড়ের নাম ছিল “খেপিংগল”।

ধৌলী লিপিতে “উজ্জেনি” ও “তথসিলা”র উল্লেখ আছে। বলা বাহুল্য উজ্জেনি কালিদাসের “উজ্জয়িনী”, বর্তমান গোয়ালিয়র রাজ্যের অন্তর্গত উজ্জেনি। তথসিলা বৌদ্ধ সাহিত্যের তক্ষশিলা। এক সময় তক্ষশিলা বিদ্যাচর্চার জন্য বিশেষ খাতি লাভ করিয়াছিল। তক্ষশিলার বিশ্ববিদ্যালয়ে চিকিৎসা-শাস্ত্রের বিশেষ আলোচনা হইত। কানিংহামের মতে পাঞ্জাবের রাওলপিণ্ডি জিলার অন্তর্গত শাহধেরিই প্রাচীন তক্ষশিলা।

মহীশুরের ব্রহ্মগিরি ও সিদ্ধাপুর শৈললেখমালার প্রারম্ভে স্বৰ্ণগিরিস্থ আর্যপুত্র ও তাহার মহামাত্রেরা ইসিলের মহামাত্রদিগের কুশল কামনা করিতেছেন। বোধ হয় স্বৰ্ণগিরি দক্ষিণাপথের একটি প্রাদেশিক রাজধানী ছিল এবং ইসিল তাহার অধীন কোন বিভাগীয় শাসনকেন্দ্র। কেহ কেহ মনে করেন যে মৌর্য্যবুগে সিদ্ধাপুরের নাম ছিল “ইসিল”। মস্কির দক্ষিণস্থ কনকগিরিই হয়ত অনুশাসনের স্বৰ্ণগিরি। সেকালে পাটলিপুত্র, কুম্ভমপুর এবং পুষ্পপুর নামেও পরিচিত ছিল। কুম্ভমপুর এবং পুষ্পপুরের স্থায় কনকগিরি ও স্বৰ্ণগিরি সমানার্থক শব্দ।

এলাহাবাদ স্তন্ত্রলেখমালার একটি অনুশাসনে দেখা যায় যে দেবানাঃ প্রিয় “কোসংবিয়ং মহামাত” বা কৌশাস্ত্রীর মহামাত্রদিগকে আজ্ঞা করিতেছেন। পশ্চিমদিগের মতে এলাহাবাদের নিকট যমুনার বামতীরে অবস্থিত কোসম্ গ্রাম ও প্রাচীন কৌশাস্ত্রী অভিন্ন।

ক্ষমিনদেউর লাট-লিপি হইতে “লুংমিনি” বা লুংমিনীগ্রামে শাক্য-মুনি বুদ্ধের জন্ম-স্থানের সন্ধান পাওয়া যাইতেছে। অভিষেকের বিধিতি বৎসরে অশোক স্বয়ং এইখানে আসিয়া অর্চনা করিয়াছিলেন এবং স্তুত উচ্ছ্বত করিয়াছিলেন। বরাবর-পাহাড়ের একটি গুহা-লিপি হইতে জানা যায় যে অশোকের সময়ে ঐ পাহাড়ের নাম ছিল “খলতিক”। “অভিষেকের স্বাদশ বৎসরে খলতিক-পর্বতস্থ এই গুহা প্রিয়দর্শী রাজা কর্তৃক আজৌবিকদিগকে প্রদত্ত হইয়াছিল।”

গিরিলেখমালার পঞ্চম অনুশাসনে যোন, কঙ্গোজ, গঙ্কার, রঠিক, পিতিনিক এবং অয়োদশ অনুশাসনে যোন, কঙ্গোজ, নাভক, নাভপংতি, ভোজ, পিতিনিক, অঙ্ক ও পারিন্দদিগের নাম আছে। এই সকল জাতির সম্বন্ধে সকল কথা আমরা জানি না। তাহাদের সহিত অশোকের সাম্রাজ্যের কি সম্পর্ক ছিল তাহাও নিশ্চিত বলা যায় না। পঞ্চম অনুশাসনে অশোক ইহাদিগকে “অপরাষ্ট” বলিয়াছেন। অংতিয়োক প্রভৃতি যবন রাজা এবং আত্মপর্ণি চোল, চের প্রভৃতি যে সকল রাজ্য নিঃসন্দেহে অশোকের সাম্রাজ্যের বাহিরে ছিল তাহাদিগকে “প্রত্যস্ত” বা “অস্ত” বলা হইয়াছে। পণ্ডিতেরা “অপরাষ্ট” শব্দের অর্থ করিয়াছেন পশ্চিম সীমান্ত। সুতরাং দেখা যাইতেছে যোন, কঙ্গোজ, গঙ্কার, রঠিক বা রাষ্ট্রিক ও পিতিনিকগণ অশোকের রাজ্যের পশ্চিম দিকে বাস করিতেন। এই কয়েকটি জাতির মধ্যে যোন, কঙ্গোজ ও পিতিনিকদিগের নাম অয়োদশ অনুশাসনেও পাওয়া যাইতেছে এবং সেখানে বলা হইয়াছে যে ইহারা অশোকের রাজ্যের ভিতরেই বাস করিত। যোনেরা যবন বা গ্রীক। উত্তর-পশ্চিম সীমান্ত প্রদেশে বোধ হয় তাহাদের রাজ্য ছিল এবং তাহারা বোধ হয় চন্দ্রগুপ্তের আধিপত্য স্বীকার করিয়াছিল। কঙ্গোজ ও গঙ্কারেরা বোধ হয় যবনদিগের প্রতিবেশী ছিল। কেহ কেহ মনে করেন যে বর্তমান কাবুলের নিকট কঙ্গোজ রাজ্য ছিল। অশোকের কালে বোধ হয়

তক্ষিলায় গন্ধারদিগের রাজধানী ছিল। শুষ্ঠীয় সপ্তম খ্রিস্টাব্দীর মধ্য-
ভাগে তাহাদের রাজধানী ছিল পুরুবপুর বা পেশোয়ার। কাথিয়া-
বাড় অথবা মহারাষ্ট্রে হয়ত রাঠিকদিগের জনপদ ছিল। পিতিনিক
কাহারা আমরা জানি না। একজন পণ্ডিত বলিয়াছেন যে পিতিনিক
কোনও পৃথক জাতিবাচক শব্দ নহে, রাঠিক ও ভোজদিগের বিশেষণ।
অঙ্গেরা পরবর্তীকালে বিশেষ পরাক্রমশালী হইয়াছিল। বর্তমান
কালেও অঙ্গদেশ সকলের নিকট সুপরিচিত। পারিস্ব বা পুলিন্দেরা
হয়ত মধ্যপ্রদেশের অরণ্যবাসী বর্বর জাতি। নাভক ও নাভপংতিদিগের
নিবাস কোন অঞ্চলে ছিল তাহা এখনও নিশ্চিতরূপে স্থির হয় নাই।
নাভকেরা হয়ত তরাই প্রদেশে বাস করিত। ভোজেরা কাহারও
কাহারও মতে পশ্চিম ভারতের অধিবাসী, আবার কেহ কেহ মনে
করেন যে তাহারা বিদর্ভ বা বর্তমান বেরারে বাস করিতেন। এখানে
সে সকল জটিল আলোচনার অবতারণা করা নিষ্পয়োজন। এই
জাতিগুলি বৌধ হয় সম্পূর্ণরূপে মৌর্যসন্তাটের আধিপত্য স্বীকার
করে নাই বলিয়া তাহাদিগের নাম পৃথক্রূপে উল্লেখ করা হইয়াছে।
হয়ত বা অশোকের সাম্রাজ্যের সহিত ইহাদের সম্পর্ক ছিল বর্তমান
কালের উত্তর-পশ্চিম সীমান্তের তুর্কিস্থানের মত।

অশোকের অনুশাসন হইতে তাহার রাজ্যশাসন-পদ্ধতিরও কতকটা
আভাস পাওয়া যায়।

শাসনকার্যের সুবিধার জন্য অশোকের সাম্রাজ্য বিভিন্ন প্রদেশে
বিভক্ত ছিল। কয়েকটি প্রদেশের শাসনভার রাজপরিবারের যোগ্য
লোকের হস্তে স্থান ছিল। অশোক-অনুশাসনে দেখা যায় যে
তোসলীর ও উজ্জয়িনীর শাসনকর্তাকে “কুমার” এবং সুবর্ণগিরির
শাসনকর্তাকে “আর্যপুত্র” বলা হইয়াছে। আর্যপুত্র ও কুমারের
মধ্যে নিশ্চয়ই পদমর্যাদার পার্থক্য ছিল, তাহা না হইলে উপাধির
পার্থক্য হইত না। কুমারেরা অশোকের পুত্র বা ভাতা হইতে

পারেন। আর্যপুত্রের সহিত রাজাৰ রক্ত-সম্পর্ক থাকিলেও তাহা হয়ত এত ঘনিষ্ঠ ছিল না, এবং আর্যপুত্র হয়ত অশোকেৰ কোন পূজনীয় জ্ঞাতিৰ পুত্ৰ ছিলেন। ধোলি ও জৌগড়েৱ প্ৰথম অতিৱিৰক্ত অচূশাসনেৱ শেষাংশ হইতে মোটামুটি একটা অমুমান কৱা যায় বে তক্ষশিলাৰ শাসনকৰ্ত্তাৰ ছিলেন একজন কুমাৰ। তাহা হইলে দেখা যাইতেছে যে নববিজিত কলিঙ্গ দেশ, উত্তৱ-পশ্চিমে যোন-কঙ্গোজ-গঙ্কাৰ রাজ্যেৰ সম্ভিত প্ৰদেশ, দক্ষিণ সীমান্তস্থিত প্ৰদেশ, এবং মধ্যভাৱতেৱ ইতিহাস-প্ৰসিদ্ধ প্ৰাচীন অবস্থা দেশেৱ (উজ্জয়িনীৰ) শাসনকাৰ্য্যেৰ জন্ম রাজপৰিবাৰ হইতে লোক নিযুক্ত কৱা হইয়াছিল। এই চাৰিটি প্ৰাদেশিক শাসনকৰ্ত্তাৰ দায়িত্বেৰ পুৱৰ্ব বিবেচনা কৱিয়াই বোধ হয় রাজাৰ একান্ত বিশ্বাসভাজন আৰুয়গণকে তোসলী, তক্ষশিলা, সুবৰ্ণগিৰি ও উজ্জয়িনীতে রাজপ্ৰতিনিধি-স্বৰূপ পাঠান হইয়াছিল। প্ৰাচীন প্ৰবাদ অনুসাৰে অশোক নিজেও পিতাৰ জীবিতকালে প্ৰাদেশিক শাসনকৰ্ত্তাৰ কাজ কৱিয়াছিলেন। কুন্দামনেৱ গিৱনাৱ-লিপি হইতে জানা যায় যে অশোকেৰ সময়ে যুবনরাজা তুষাঞ্চল সৌৱাষ্ট্ৰেৱ শাসনকৰ্ত্তা ছিলেন। বিভিন্ন অনুশাসনে কুমাৰ ও আর্যপুত্র ব্যতীত নিম্নলিখিত রাজকৰ্মচাৰীগণেৰ নাম পাওয়া যায় :—

- ১। মহামাত্ৰ
- ২। রাজুক
- ৩। প্ৰাদেশিক
- ৪। যুত
- ৫। পুৱৰ্ব
- ৬। প্ৰতিবেদক

পদমৰ্য্যাদায় রাজ-প্ৰতিনিধিৰ পৱেই মহামাত্ৰদিগেৰ স্থান। মহামাত্ৰদিগেৰ মধ্যে আবাৰ বিভিন্ন পৰ্যায় বা শ্ৰেণী ছিল। যে

মহামাত্রেরা উজ্জয়িনী ও তোসলীর কুমারদ্বয়ের এবং শুবর্ণগিরির আর্যপুত্রের সহধোগিতা করিতেন তাহারা এবং যে মহামাত্রেরা সমাপ্ত ও ইসিলের শাসনকর্তা ছিলেন তাহারা সমশ্রেণীর কর্মচারী হইতে পারেন না। আবার কৌশাঞ্চীর মহামাত্রেরা বোধ হয় তোসলী, উজ্জয়িনী ও শুবর্ণগিরির মহামাত্রদিগের অপেক্ষা পদব্যাধায় ও ক্ষমতায় উচ্চে ছিলেন। কারণ তাহারাই কৌশাঞ্চী শাসন করিতেন, কোনও কুমার বা আর্যপুত্রের নির্দেশ তাহাদিগকে মানিতে হইত না। তোসলী ও সমাপ্তার মহামাত্রের “নগর-ব্যবহারক” বা বিচারকের কার্য্যও করিতেন। কলিজের সম্মিলিত সীমান্তবাসী আরণ্য জাতিদিগের ব্যবস্থাও তাহাদিগকে করিতে হইত। এতদ্যুতীত অভিষেকের অয়োদ্ধ বর্ষে অশোক কর্তকগুলি “ধৰ্ম-মহামাত্র” নিযুক্ত করেন। প্রজাসাধারণের নৈতিক উন্নতি-বিধানের দায়িত্ব ইহাদের উপর অন্ত হইয়াছিল। অমৃশাসনে “স্বাধ্যক-মহামাত্র”-নামক এক শ্রেণীর কর্মচারীর নামও পাওয়া যায়। নারীজাতির মঙ্গলবিধানের জন্য বোধ হয় ইহারা নিযুক্ত হইয়াছিলেন।

রাজুকেরা বোধ হয় রাজস্ববিভাগের কর্মচারী ছিলেন। জমির জরিপ ও বন্দোবস্ত তাহারা করিতেন। অশোকের সময়ে বহুলক্ষ লোকের শাসনভার ইহাদের হস্তে ছিল। সুতরাং ইহাদিগকে বিভাগীয় শাসনকর্তা বলা যাইতে পারে। প্রাদেশিকেরা বোধ হয় ছোট খাট বিভাগের শাসনকর্তা ছিলেন। যুত বা যুক্তেরা মহামাত্রদিগের দপ্তরে কাজ করিতেন। পুরুষ গুপ্তচরের নামান্তর। সেকালে রাজাদিগের গুপ্তচর না হইলে চলিত না। প্রতিবেদকেরা রাজ্যের বিভিন্ন স্থানের সংবাদ সংগ্রহ করিয়া আনিত। আহার, বিহার এবং বিশ্রামের সময়েও প্রতিবেদকেরা বিনা বাধায় খবর লইয়া রাজার নিকট যাইতে পারিত।

ইহাদিগের সকলের উপরে ছিলেন রাজা। কুমার ও আর্যপুত্র

হইতে পুরুষ ও প্রতিবেদক পর্যন্ত ছোট বড় সকল কর্মচারীকেই তাহার আভ্যন্তর প্রতিপালন করিতে হইত। রাজ্যের মধ্যে রাজাৰ ক্ষমতা ছিল অপ্রতিহত। তিনিই ছিলেন সকলেৰ দণ্ডমুণ্ডেৰ কর্তা, সুবৃহৎখেৰ বিধাতা। তবে তিনিও কতকগুলি সামাজিক ও শাস্ত্ৰীয় নিয়ম সহসা লজ্জন কৱিতেন না। বুদ্ধিমান् রাজা স্বার্থেৰ খাতিৱে প্ৰজাদিগেৰ উপৱ অথবা উৎপীড়ন কৱিতেন না। অশোকেৰ মত হৃদয়বান् রাজা কৰ্তব্যবুদ্ধি-প্ৰণোদিত হইয়াই তাহাদিগেৰ সৰ্বপ্ৰকাৰ মঙ্গলসাধনেৰ চেষ্টা কৱিতেন। অশোকেৰ অনুশাসনে “পৰিসা” অৰ্থাৎ ‘পৰিষদ’ৰ উল্লেখ পাওয়া যায়। শাসনকাৰ্য্যে রাজা বোধ হয় এই পৰিষদ্ অৰ্থাৎ মন্ত্ৰিপৰিষদেৰ পৰামৰ্শ গ্ৰহণ কৱিতেন।

মোটেৱ উপৱ দেখা যাইতেছে যে অশোকেৰ সাম্রাজ্য বিভিন্ন প্ৰদেশে বিভক্ত ছিল। ইহার মধ্যে বড় বড় প্ৰদেশগুলিৰ শাসনভাৱ রাজপৰিবাৱেৰ কুমাৰ ও আৰ্য্যপুত্ৰদিগেৰ হস্তে অপিত হইয়াছিল। মহামাত্ৰ-নামক কৰ্মচারীৰা তাহাদিগেৰ সাহায্য কৱিতেন। কতকগুলি প্ৰদেশ মহামাত্ৰগণ কৰ্তৃক শাসিত হইত। প্ৰদেশেৰ বিভিন্ন বিভাগেৰ শাসনভাৱ ছিল মহামাত্ৰ, রাজুক ও প্ৰাদেশিকদিগেৰ হস্তে। ধৰ্ম-মহামাত্ৰেৱা প্ৰজাদিগেৰ নৈতিক ও পারলৌকিক উন্নতিৰ দিকে দৃষ্টি রাখিতেন। পুৰুষ ও প্রতিবেদকদিগেৰ মুখে রাজা রাজ্যেৰ ঘাবতীয় প্ৰয়োজনীয় সংবাদ পাইতেন। অৰ্থাৎ শাসনযন্ত্ৰেৰ কাঠামো এখনও যেমন তখনও অনেকটা সেই রূক্মই ছিল। মধ্যযুগে মুসলমান-আমলেও তাহার স্বৰূপ পৱিত্ৰিত হয় নাই। রাজা সুবিবেচক হইলে এই শাসনতন্ত্ৰেই প্ৰজাৰ সুখ-স্বাচ্ছন্দ্যেৰ ব্যবস্থা হইত, আবাৰ রাজা অবিবেচক হইলে, উৎপীড়ক হইলে, প্ৰজাৰ দুঃখ-দাৰিদ্ৰ্যেৰ অবধি থাকিত না।

এইধাৰ অনুশাসন হইতে অশোকেৰ জীবনেৰ বড় বড় কয়েকটি ঘটনাৰ কালপঞ্জী দিয়া এই পৱিত্ৰে শেষ কৱিব।

- ১। অভিযোকের অষ্টম বৎসরে—কলিঙ-বিজয় (গিরি-লেখমালা, অয়োদশ অঙ্গুশাসন)
- ২। দশম বৎসরে—সঙ্ঘোধি বা বোধগয়ায় গমন (গিরি-লেখমালা, অষ্টম অঙ্গুশাসন)
- ৩। দ্বাদশ বৎসরে—
 - (ক) কর্মচারীদিগকে পাঁচ বৎসর অন্তর রাজ্য-পরিদর্শন করিতে নির্দেশ (গি—লে, ৩)
 - (খ) নৈতিক উন্নতি-সাধনের প্রচেষ্টা (গি—লে, ৪)
 - (গ) ধর্মলিপি লেখান (স্তুতলেখমালা, ষষ্ঠ অঙ্গুশাসন)
 - (ঘ) বরাবর-পাহাড়ে আজীবিকদিগকে ছহিটি গুহা দান (গুহা লিপি)
- ৪। অয়োদশ বৎসরে—ধর্মমহামাত্র-নিয়োগ (গি—লে, ৫)
- ৫। চতুর্দশ বৎসরে—কনকমূনির স্তুপ-সংস্কার ও পরিবর্কন (নিগালীসাগর লাট-লেখ)
- ৬। উনবিংশতি বৎসরে—বরাবর-পাহাড়ে তৃতীয় গুহা দান (গুহা লিপি)
- ৭। বিংশতি বৎসরে—লুম্বিনী-উদ্ধান ও কনকমূনির স্তুপে গমন (রুম্মিন্দেন্দে ও নিগালীসাগর লাট-লেখ)
- ৮। ষড়বিংশতি বৎসরে—স্তুত-লেখমালার প্রথম, চতুর্থ, পঞ্চম ও ষষ্ঠ অঙ্গুশাসন প্রচার
- ৯। সপ্তবিংশতি বৎসরে—দিল্লী-তোপরা স্তুতলিপির সপ্তম অঙ্গুশাসন প্রচার

হইতে পুরুষ ও প্রতিবেদক পর্যন্ত ছোট বড় সকল কর্মচারীকেই তাহার আজ্ঞা প্রতিপালন করিতে হইত। রাজ্যের মধ্যে রাজার ক্ষমতা ছিল অপ্রতিহত। তিনিই ছিলেন সকলের দণ্ডমুণ্ডের কর্তা, স্বৰ্থস্থানের বিধাতা। তবে তিনিও কর্তকগুলি সামাজিক ও শাস্ত্রীয় নিয়ম সহসা লঙ্ঘন করিতেন না। বৃক্ষিমান् রাজা স্বার্থের খাতিরে অজাদিগের উপর অথবা উৎপীড়ন করিতেন না। অশোকের মত হৃদয়বান् রাজা কর্তব্যবৃক্ষ-প্রণোদিত হইয়াই তাহাদিগের সর্বপ্রকার মঙ্গলসাধনের চেষ্টা করিতেন। অশোকের অনুশাসনে “পরিসা” অর্থাৎ ‘পরিষদ’র উল্লেখ পাওয়া যায়। শাসনকার্যে রাজা বোধ হয় এই পরিষদ্ অর্থাৎ মন্ত্রিপরিষদের পরামর্শ গ্রহণ করিতেন।

মোটের উপর দেখা যাইতেছে যে অশোকের সাম্রাজ্য বিভিন্ন প্রদেশে বিভক্ত ছিল। ইহার মধ্যে বড় বড় প্রদেশগুলির শাসনভার রাজপরিবারের কুমার ও আর্যপুত্রদিগের হস্তে অপিত হইয়াছিল। মহামাত্র-নামক কর্মচারীরা তাহাদিগের সাহায্য করিতেন। কর্তকগুলি প্রদেশ মহামাত্রগণ কর্তৃক শাসিত হইত। প্রদেশের বিভিন্ন বিভাগের শাসনভার ছিল মহামাত্র, রাজুক ও প্রাদেশিকদিগের হস্তে। ধর্ম-মহামাত্রেরা প্রজাদিগের নৈতিক ও পারলৌকিক উন্নতির দিকে দৃষ্টি রাখিতেন। পুরুষ ও প্রতিবেদকদিগের মুখে রাজা রাজ্যের যাবতীয় প্রয়োজনীয় সংবাদ পাইতেন। অর্থাৎ শাসনযন্ত্রের কাঠামো এখনও যেমন তখনও অনেকটা সেই রূক্মই ছিল। মধ্যযুগে মুসলমান-আমলেও তাহার স্বরূপ পরিবর্তিত হয় নাই। রাজা স্ববিবেচক হইলে এই শাসনতন্ত্রেই প্রজার স্বৰ্য-স্বাচ্ছন্দ্যের ব্যবস্থা হইত, আবার রাজা অবিবেচক হইলে, উৎপীড়ক হইলে, প্রজার চুঁথ-দারিদ্র্যের অবধি থাকিত না।

এইবার অনুশাসন হইতে অশোকের জীবনের বড় বড় কয়েকটি ঘটনার কালগঞ্জী দিয়া এই পরিচ্ছেদ শেষ করিব।

- ১। অভিযেকের অষ্টম বৎসরে—কলিঙ্গ-বিজয় (গিরি-
লেখমালা, অয়োদ্ধা অনুশাসন)
- ২। দশম বৎসরে—সঙ্ঘোধি বা বোধগয়ায় গমন (গিরি-
লেখমালা, অষ্টম অনুশাসন)
- ৩। দ্বাদশ বৎসরে—
 - (ক) কর্মচারীদিগকে পাঁচ বৎসর অন্তর রাজ্য-পরিদর্শন
করিতে নির্দেশ (গি—লে, ৩)
 - (খ) নৈতিক উন্নতি-সাধনের প্রচেষ্টা (গি—লে, ৪)
 - (গ) ধর্মলিপি লেখান (স্তুতিলেখমালা, ষষ্ঠ অনুশাসন)
 - (ঘ) বরাবর-পাহাড়ে আজীবিকদিগকে ছহিটি গুহা দান
(গুহা লিপি)
- ৪। অয়োদ্ধা বৎসরে—ধর্মহামাত্র-নিয়োগ (গি—লে, ৫)
- ৫। চতুর্দশ বৎসরে—কনকমূনির স্তুপ-সংস্কার ও পরিবর্কন
(নিগালীসাগর লাট-লেখ)
- ৬। উনবিংশতি বৎসরে—বরাবর-পাহাড়ে তৃতীয় গুহা দান
(গুহা লিপি)
- ৭। বিংশতি বৎসরে—লুম্বিনী-উদ্ধান ও কনকমূনির স্তুপে
গমন (কুশিন্দেশ ও নিগালীসাগর লাট-লেখ)
- ৮। ষড়বিংশতি বৎসরে—স্তুতি-লেখমালার প্রথম, চতুর্থ, পঞ্চম
ও ষষ্ঠ অনুশাসন প্রচার
- ৯। সপ্তবিংশতি বৎসরে—দিল্লী-তোপরা স্তুতিলিপির সপ্তম
অনুশাসন প্রচার

অশোকের ধর্ম

এ পর্যন্ত আমরা যে সকল বিষয়ের আলোচনা করিয়াছি তাহা
অপ্রাসঙ্গিক বা অবাস্তুর নহে। অশোক কত বড় রাজা ছিলেন তাহা
বুঝিতে হইলে তাহার সাম্রাজ্য কত বড় ছিল জানা দরকার। কোন্
বংশে তাহার জন্ম, সে বংশের অবদান কি, তাহা না জানিলে
অশোকের আদর্শের সহিত তাহার পূর্বপুরুষদিগের আদর্শের পার্থক্য
কোথায় ভাল করিয়া বুঝা যাইবে না। অশোকের ধর্মনীতি জানিতে
হইলে তাহার ধর্মলিপির খবর লইতেই হইবে।

কিন্তু দিঘিজয়ী সন্তাট চন্দ্রগুপ্তের পৌত্র বলিয়া অশোকের নাম
ইতিহাসে চিরস্মরণীয় হয় নাই। সন্তাট চন্দ্রগুপ্তের আরও অনেক
পৌত্র ছিলেন, ইতিহাস তাহাদের সংবাদ রাখে না। বিস্তৃত
সাম্রাজ্যের অধিপতি বলিয়া অশোকের এত খ্যাতি হইয়াছে যেনে
করিলে ভূল হইবে। আরও অনেক রাজা অধিকতর বিস্তৃত সাম্রাজ্য
শাসন করিয়া গিয়াছেন, কিন্তু নিজেদের দেশের বাহিরে আজ
তাহাদের নাম কেহ শ্মরণ করে না। ধর্ম-নীতির জন্যই অশোক
পৃথিবীর ইতিহাসে এক অনন্তসাধারণ স্থান অধিকার করিয়াছেন,
এবং সে হিসাবে কলিঙ্গ-বিজয় তাহার জীবনে এক সঞ্চিক্ষণ সূচনা
করিতেছে।

গিরিলেখমালার অয়োদ্ধা অনুশাসনে অশোক কলিঙ্গ-বিজয়ের
কর্তৃণ কাহিনী লিপিবদ্ধ করিয়াছেন। আর কোন দিঘিজয়ী বৌর
এমন করিয়া বিজিত দেশের হতাহত, শোকার্ত, গৃহহীন, আশ্রয়হীন
নয়নারীর জন্য অক্ষত্যাত করেন নাই; আর কোন সার্বভৌম নরপতি

এমন অকপটে সকলের অবগতির নিমিত্ত আপনার কৃতকর্মের জন্য অনুশোচনা প্রকাশ করিয়াছেন বলিয়া আমরা জানি না। তাহার স্বীকারোক্তির মধ্যে কোথাও এতটুকু কৃতিমতা নাই, কোথাও আত্মসমর্থনের এতটুকু চেষ্টা লক্ষিত হয় না। তিনি যেমন নির্মম-ভাবে কলঙ্গ-বিজয় সমাধা করিয়াছিলেন, তেমনই যুদ্ধ শেষ হইবার পর যখন দেখিলেন যে তাহার অভিযানের ফলে দেড় লক্ষ লোক দেশান্তরিত হইয়াছে, লক্ষ মাহুষ যুদ্ধে নিহত হইয়াছে এবং তাহার চেয়ে অনেক বেশী মরিয়াছে অস্ত্রাঙ্গ কারণে, তখনই তাহার চিন্ত করুণায় বিগলিত হইয়াছিল। সেই দিন হইতে তিনি দিঘিজয়ের বাসনা পরিত্যাগ করিলেন, তাহার রাজ্যে সেই দিন হইতে “ভেরৌঘোষ” স্তুত হইল, এবং মৃগয়া প্রভৃতি জীববাতী ব্যসনে তিনি সেই দিন হইতে বিমুখ হইলেন। সেই দিন হইতে তিনি মুক্ত্য-মাত্রের জীবসাধারণের মঙ্গল-সাধনে আত্ম-নিয়োগ করিলেন। ধর্মানুশীলন, “ধর্মকামতা” ও “ধর্মানুশন্তি” তখন হইতে দিঘিজয়ী সন্নাট অশোকের জীবনের একমাত্র ব্রত হইল।

অনুশাসনের মধ্যে আমরা অশোকের হৃদয়ের যতটুকু পরিচয় পাই তাহাতে মনে হয় তিনি একদিকে যেমন স্নেহপ্রবণ অনুদিকে তেমনই কর্তব্যপরায়ণ ছিলেন। সন্তান ও আত্মীয়দিগের কথা তিনি স্নেহের সহিত উল্লেখ করিয়াছেন। স্নেহভাজনদিগের ইহলৌকিক মঙ্গল-কামনায় তাহার মমতা সৌমাবন্ধ রহে নাই, তিনি তাহাদের পারলৌকিক মঙ্গল-কামনাও করিয়াছেন। প্রজাদিগকে তিনি আপন সন্তান বলিয়া মনে করিতেন। তিনি রাজা,—প্রজাদিগের নিকট “রাজভাগ” বা কর আদায় করিতেন। এই কর তিনি ঝগ বলিয়া মনে করিতেন এবং তাহার মতে প্রজাদিগের সর্বপ্রকারের মঙ্গল-সাধনই ছিল এই ঝগ-পরিশোধের একমাত্র উপায়। তিনি আরও জানিতেন যে “কল্যাণ দুষ্কর” এবং “পাপ শুকর” এবং সেই

জন্ম অধ্যবসায়ের প্রয়োজন। কিন্তু তাহার কর্তব্যবোধ এত প্রবল ছিল,—সন্তানের প্রতি, আত্মীয়ের প্রতি, প্রজার প্রতি, প্রতিবেশীর প্রতি, জীব-সাধারণের প্রতি তিনি স্বীয় কর্তব্য-সম্বন্ধে এমন সচেতন ছিলেন যে, সে কারণে কোন ক্লেশ, কোন অসুবিধা স্বীকার করিতে কুষ্ঠিত হন নাই। প্রজাবৎসল নরপতি তাহার কর্মচারী রাজুকদিগকে স্মরণ করাইয়া দিয়াছিলেন যে নিপুণা ধাত্রীর হস্তে পিতা যেরূপ নিশ্চিন্ত মনে সন্তান-পালনের ভার দিয়া থাকেন, তিনিও তাহাদের হস্তে সেইরূপ নিশ্চিন্ত হইয়া প্রজা-পালনের ভার দিয়াছেন। তিনি প্রতিবেদকগণকে এই বলিয়া আশ্বাস দিয়াছিলেন, আমি যেখানেই থাকি না কেন, প্রজার সংবাদ আমাকে দিতে ইতস্ততঃ করিও না, আহারের সময়ে, অন্তঃপুরে, শয়নকক্ষে, এমন কি ব্রজের (বর্চের) কোনখানে অথবা উত্তানে আমাকে রাজ্যের সংবাদ দিতে বিলম্ব করিও না। এরূপ প্রজাবৎসল ও কর্তব্যপরায়ণ সন্তাট যে কেবল নিজের মঙ্গলের পথ সন্ধান করিবেন না, শান্তির পথের সন্ধান পাইলে তিনি যে নিজের সন্তানসন্ততি প্রকৃতিপুঞ্জকেও সেই পথে লাইয়া যাইতে চেষ্টা করিবেন—ইহাই ত স্বাভাবিক।

কলিঙ্গ-অভিযানের পর শোকের, বেদনার ভিতর দিয়া অশোক শান্তির পথের সন্ধান পাইয়াছিলেন। বিস্তৃত কলিঙ্গরাজ্য জয় করিয়া তিনি স্বীকৃত হইতে পারিলেন না, প্রবল শক্তকে পরাজিত করিয়া তাহার চিন্তে তৃপ্তি আসিল না। পরন্তু লক্ষ লক্ষ আর্ণ নরনারীর শোক ও বেদনা তিনি আপনার হৃদয়ে অনুভব করিলেন। তিনি বুঝিলেন—লোভে স্ফুর নাই, হিংসায় শান্তি নাই, হতায় তৃপ্তি নাই; ত্যাগ সংযম ও অহিংসাই স্ফুর, শান্তি, তৃপ্তি ও মঙ্গলের উপায়। কেবল ইহলোকের কথা ভাবিলেই চলিবে না, পরলোকের মঙ্গলের ব্যবস্থাও করিতে হইবে এবং তাহার জন্ম চলিতে হইবে দৃষ্টর ধর্মের পথে। অশোক যদি কেবল নিজের কথা ভাবিতেন, তাহা হইলে

অনায়াসে পাটলিপুত্রের সিংহাসন পরিত্যাগ করিয়া সম্মান গ্রহণ করিতে পারিতেন। কিন্তু তিনি পিতার কর্তব্য, রাজার কর্তব্য, মানুষের প্রতি মানুষের কর্তব্য বিস্তৃত হইতে পারেন নাই বলিয়াই রাজত্ব ত্যাগ না করিয়া ধর্ম-প্রচারে প্রবৃত্ত হইয়াছিলেন।

যে ধর্ম আচরণ করিবার জন্য অশোক তাহার প্রজাদিগকে উপদেশ দিয়াছিলেন তাহাতে কোন প্রকারের সাম্প্রদায়িকতা নাই। তাহার ধর্মগত দেশ ও কালের অঙ্গীত, সকল দেশে, সকল যুগেই তাহার সমান আদর হইবে। তিনি তাহার অনুশাসনে দ্বাদশটি গুণের অনুশীলন করিতে বলিয়াছেন,—

- ১। দয়া
- ২। দানশীলতা
- ৩। সত্যানুরাগ
- ৪। শৌচ (শুচিতা)
- ৫। মার্দব (মৃত্যুতা)
- ৬। সাধুতা
- ৭। অন্নবায় ও অন্ন সঞ্চয় ("অপবয়তা" ও "অপভংডতা")
- ৮। সংযম
- ৯। ভাবশুক্ষ্মি
- ১০। কৃতজ্ঞতা
- ১১। দৃঢ়ভক্তি
- ১২। ধর্মরতি

উপরিলিখিত গুণ বা বৃত্তিগুলির মধ্যে পরম্পর একটা সম্বন্ধ আছে বলিয়া বোধ হয়। সংযম না থাকিলে ব্যয় ও সঞ্চয়ে আতিশয় আসিয়া পড়িবে। সংযম থাকিলে ধর্মরতি সম্ভব হইবে। ধর্মরতি হইলে দৃঢ়ভক্তি আপনিই আসিবে এবং ভাবশুক্ষ্মিও হইবে। চিত্তশুক্ষ্মি না হইলে শৌচ, মার্দব ও সত্যানুরাগ সম্ভব হইবে না। এই সকল

গুণ থাকিলে দয়া, দানশীলতা, ক্ষতজ্জতা ও সাধুতা প্রভৃতি বৃত্তিগুলি সূর্য্যুত্তিলাভ করিবে। সাধুব্যক্তি স্বভাবতঃই সত্যনিষ্ঠ ও সংবৎচিত্ত হইয়া থাকেন। কিন্তু সাধারণ লোকের নানাপ্রকার দুর্বলতা থাকে। সর্বপ্রকারের সংযমে সাধারণ লোকেরা অভ্যন্ত নহে। সুতরাং এই গুণগুলির অমুশীলন করিতে হইলে একটা নির্দিষ্ট কর্মপন্থা অবলম্বন করিতে হইবে। শারীরিক উন্নতির জন্য যেমন নিয়মিত ব্যায়াম-চর্চার প্রয়োজন, সেইস্থলে চিত্তশুক্রির জন্যও নিয়মিত ভাবে কর্তকগুলি কর্মানুষ্ঠান আবশ্যিক। অশোকের অমুশাসনে ধর্মরতি বা ধর্মকামতার অনুকূল কার্য্যাবলীও নির্দিষ্ট হইয়াছে—

১। শুঙ্খবা বা আজ্ঞানুবর্ত্তিতা। কাহার আজ্ঞানুবর্ত্তী হইতে হইবে? প্রিয়দশী বলিতেছেন,—পিতামাতার, বয়োজ্ঞেষ্টদিগের, শুরুর, উচ্চজাতির ও উচ্চপদস্থ ব্যক্তির।

২। অপচিতি বা শ্রদ্ধা। কাহাকে শ্রদ্ধা করিতে হইবে? “গুরুর প্রতি অপচিতি সাধু” এবং “অন্তেবাসী (ছাত্র) আচার্যকে অপচিতি করিবে।” .

৩। “সংপটিপটি” বা উপযুক্ত ব্যবহার। ইহার পাত্র কাহারা? আঙ্কণ ও শ্রমণেরা, জ্ঞাতিগণ, দাস ও ভূত্যেরা, দীন-ছাত্রীরা, মিত্র, পরিচিত জন ও সহচরেরা।

৪। দান। অশোকের মতে আঙ্কণ ও শ্রমণেরা, মিত্র, পরিচিত জন ও জ্ঞাতিরা এবং বয়োবৃক্ষেরা দানের যোগ্য পাত্র।

৫। প্রাণিদিগের “অনারংভ” বা অহিংসা; প্রাণিপীড়নে সংযম, সর্বভূতে অহিংসা, সর্বভূতের অক্ষতি।

অশোক যেমন ধর্মরতি বা ধর্মকামতার পরিপন্থী বলিয়া প্রাণিহিংসা এবং প্রাণিপীড়ন হইতে সকলকে বিরত হইতে বলিয়াছেন, তেমনই পাঁচটি “আসিনব” বা পাপ হইতেও নিরুত্ত হইতে উপদেশ দিয়াছেন। এই পাঁচটি পাপ হইতেছে চওভাব, নিষ্ঠুরতা, ক্রোধ,

মান (অহঙ্কার) ও ঈর্ষা। প্রিয়দর্শীর মতে অপূর্ণ বা পাপ পরিহার করাই ধর্ম; ধর্মরতি বা ধর্মকামতা থাকিলে, পাপে ভয় ও ধর্মে উৎসাহ থাকিলে, পাপ পরিহার করা যায়। ইহার জন্য গুরুত্বিক ও আত্মপরীক্ষার প্রয়োজন।

বলা বাহুল্য, অশোক ধর্মের যে পথ নির্দেশ করিয়াছেন, তাহা যে-কোন ধর্মের, যে-কোন সম্প্রদায়ের, যে-কোন জাতির লোকই বিনা আপত্তিতে গ্রহণ করিতে পারেন। অশোকের প্রচারিত ধর্মের সহিত জগতের কোন ধর্মমতেরই অনৈক্য হইতে পারে না। বরং যে নীতিশুলিকে তিনি মানবের কল্যাণ ও মঙ্গলের সোপান বলিয়া স্থির করিয়াছেন, তাহাই প্রচলিত সকল ধর্মমতের মূল ভিত্তি।

এখন দেখা যাউক অশোক অপরকে যে উপদেশ দিয়াছেন, নিজে তাহার কর্তৃ প্রতিপাদন করিয়াছেন। তিনি যে সত্য হইতে বিচ্যুত হন নাই, তাহার প্রমাণ গিরিশেখমালার প্রথম অনুশাসনে পাওয়া যাইতেছে। তিনি নিজেই স্বীকার করিয়াছেন যে প্রাণিহিংসা হইতে তিনি একেবারে বিরত হইতে পারেন নাই। কিন্তু এ বিষয়েও তাহার সংযম ও অধ্যবসায়ের অভাব ছিল না। গিরিশেখমালার প্রথম অনুশাসনে তিনি বলিয়াছেন—“পূর্বে দেবানাং প্রিয় প্রিয়দর্শী রাজার রক্ষনশালায় ব্যঞ্জনের নিমিত্ত বহুলক্ষ প্রাণিহত্যা হইত। কিন্তু এখন এই ধর্মলিপি লিখিত হইবার সময় প্রত্যহ ব্যঞ্জনের জন্য মাত্র দুইটি ময়ুর ও একটি মৃগ—এই তিনটি মাত্র প্রাণিহত্যা হইতেছে। প্রত্যহ মৃগ-হত্যা হয় না। ভবিষ্যতে এই তিনটি প্রাণিহত্যাও হইবে না।” জীবহত্যা সম্পূর্ণরূপে রহিত না হইলেও, পূর্ববর্তী কালের জীবহিংসার তুলনায় তাহার রক্ষনশালায় কখন দুইটি ময়ুর, কখনও বা তদভিন্ন একটি মৃগবধ নিতান্তই অকিঞ্চিকর সন্দেহ নাই। মনে রাখিতে হইবে যে ভবিষ্যতে আহারের জন্য জীবহত্যা হইতে নিয়ন্ত্র হইবার সাধু সঙ্গ তাহার ছিল।

আহারের জন্য অন্নসংখ্যক পক্ষবধ করিলেও সন্তাটি অশোক তাহার পূর্ববর্তী রাজাদিগের মত জীবহিংসায় আমোদ-বোধ ও আকরণে প্রাণিহত্যা করিতেন না। গিরিলেখমালার অষ্টম অনুশাসন হইতে জানা যায় যে পূর্বকালে রাজারা বিহার-যাত্রায় বাহির হইতেন এবং তচ্ছপলক্ষে যুগয়া ও তদনুরূপ অনুষ্ঠানে আনন্দ লাভ করিতেন, কিন্তু প্রিয়দর্শী বিহার-যাত্রা বন্ধ করিয়া ধর্ম-যাত্রার (বা তৌর্থ-ভ্রমণের) ব্যবস্থা করিয়াছিলেন। তাহার ধর্মলিপিগুলিতেই তাহার ধর্ম-যাত্রার উল্লেখ আছে। অভিষেকের দশম বৎসরে তিনি সম্মোধি বা বুদ্ধগয়ায় গিয়াছিলেন। অভিষেকের বিংশতি বর্ষে কনকমুনি-বুদ্ধের স্তুপে ও শাক্যমুনি-বুদ্ধের জন্মস্থান লুম্বিনী-উদ্ধানে গমন করিয়াছিলেন এবং পূজা-অর্চনাদি করিয়াছিলেন।

ধর্মযাত্রা-উপলক্ষে তিনি ব্রাহ্মণ ও শ্রমণদিগকে দর্শন করিতেন ও তাহাদিগের মধ্যে দান বিতরণ করিতেন, বৃক্ষদিগের সহিত সাক্ষাৎ করিয়া তাহাদিগকে “হিন্দু”-দানে প্রতিপালন করিতেন, এবং জনপদের অধিবাসীদিগের সহিত সাক্ষাৎ করিয়া তাহাদিগকে ধর্ম-সম্বন্ধে যথোপযুক্ত প্রশ্ন করিয়া উপদেশ দিতেন। অশোক স্বয়ং বলিয়াছেন যে দানের মধ্যে ধর্মদানই শ্রেষ্ঠ দান। এই ধর্মদানের জন্মই তিনি ধর্ম-বোধগা ও গিরিগাত্রে এবং শিলাস্তম্ভে ধর্মলিপি উৎকৌর করিবার ব্যবস্থা করিয়াছিলেন।

রাজা অশোক যে কেবল ধর্মপ্রচারের সময়ে ব্রাহ্মণ, শ্রমণ ও বয়োবৃক্ষদিগকে দান করিতেন তাহা নহে। দিল্লী-তোপরার স্তম্ভলেখমালার সপ্তম অনুশাসনে দেখিতে পাই যে, তাহার ধর্ম-মহামাত্রেরা এবং অন্তর্গত প্রধান মন্ত্রী (মুখ্য) গণও তাহার ও তাহার রাজ্ঞীদিগের দান রাজধানীতে ও বিভিন্ন প্রদেশে যোগ্য-পাত্রে সর্বদা বিতরণ করিতেন। তিনি অপর কতকগুলি কর্মচারীকে তাহার পুত্রগণের ও অন্ত দেবৌকুমারদিগের দান বিতরণ করিতে

আদেশ করিয়াছিলেন। এই দেবীকুমারেরা বোধ হয় তাহার
আতুপুত্র ও ভাগিনেয়-স্থানীয় হইবেন। পূর্বতন রাজাদিগের
দাসী-পুত্র হইলে তিনি তাহাদিগকে দেবীকুমার বলিতেন না।
অপর পক্ষে, তাহারা তাহার কনিষ্ঠা মহিষীদিগের গর্ভজাত সন্তান
হইলে তাহাদিগকে নিজের পুত্র বলিয়া উল্লেখ না করিবার অর্থ
থাকে না। সুতরাং দেখা যাইতেছে যে, কেবল একা সন্তান অশোক
নহেন, তাহার পত্নী, পুত্র ও স্বজনবর্গও ধর্মের অত্যাবশ্যক অঙ্গ দানে
ব্যাপ্ত ছিলেন। এলাহাবাদ-স্তম্ভে রাণী কালুবাকীর অমুশাসন
হইতেও ইহাই প্রমাণিত হয়।

কিন্তু কেবল দান করিয়াই অশোকের সেবাপ্রবৃত্তি তৃপ্ত হয় নাই।
মনুষ্য ও পশুদিগকে ছায়া-প্রদানের জন্য তিনি পথের ধারে বটবৃক্ষ ও
আত্মবাটিকা রোপণ করাইয়াছিলেন, আট ক্রোশ অন্তর পথের ধারে
ধারে কূপ খনন করাইয়াছিলেন ও সেই কূপের ভিতরে অবতরণ
করিবার জন্য সোপান নির্মাণ করাইয়াছিলেন। পশু ও মনুষ্যদিগের
বিশ্রামের জন্য তিনি স্থানে স্থানে বহু বিশ্রামাগার নির্মাণ
করাইয়াছিলেন। অশোকের পূর্ববর্তী রাজারাও পথিপার্শ্বে
ছায়াতরু-রোপণ, জলাশয়-খনন ও পান্তশালা-নির্মাণ করাইয়াছিলেন।
কিন্তু তাহাদের ও অশোকের মধ্যে পার্থক্য এই যে, অশোক কেবল
মানুষের দৈহিক ক্লেশ দূর করিবার জন্য এই ব্যবস্থা করেন নাই,
তিনি আশা করিতেন যে ইহাতে তাহার প্রজাদিগের মনে ধর্মাচরণে
প্রবৃত্তি জন্মিবে।

অশোকের বাংসল্য কেবল আপনার প্রজাদিগের মধ্যেই
সীমাবদ্ধ রহে নাই। তিনি মনে করিতেন না যে তাহার প্রজাদিগের
কল্যাণ সাধন করিতে পারিলেই তাহার কর্তব্য শেষ হইল।
গিরিলেখমালার দ্বিতীয় অমুশাসনে দেখিতে পাই যে পরমাঞ্জ্যের
মনুষ্য ও পশু তাহার অনুকম্পা হইতে বঞ্চিত হয় নাই। প্রিয়দর্শী

নিজের রাজ্যের সর্বত্র ও চোল, পাঞ্জ, সত্যপুত্র, কেরলপুত্র, তান্ত্রিক বা সিংহল দেশে এবং অংতিয়োক নামক যবন রাজা ও অংতিয়োকের প্রতিবেশীদিগের রাজ্যে মহুষ্য-চিকিৎসা ও পশু-চিকিৎসার ব্যবস্থা করিয়াছিলেন। যেখানে মহুষ্য ও পশুর উপযোগী ভেষজ ছিল না সেখানে তিনি ঐ সকল তরু, শুল্ম ও লতা রোপণ করাইয়াছিলেন; যেখানে আহারের যোগ্য ফল-মূল ছিল না সেখানে তাহা আনাইয়া রোপণের ব্যবস্থা করিয়াছিলেন; পশু ও মহুষ্যের উপভোগের জন্য তিনি পথে পথে কৃপ খনন ও বৃক্ষ রোপণ করাইয়াছিলেন। দেশে বিদেশে, মহুষ্য ও পশু সমান ভাবে অশোকের দয়া লাভ করিয়াছে। তাহার সন্তান-বাংসল্য প্রজাবাংসল্য, প্রজা-হিতৈষণায়, এবং নরসেবা জীবসেবায় পরিণত হইয়াছিল।

কিন্তু অশোকের অনুশাসনে অহিংসা, দান, সত্য, অপচিতি ও “সম্প্রতিপত্তি” প্রভৃতি যে সকল গুণের প্রয়োজনীয়তা স্বীকার করা হইয়াছে, তাহা ধর্মের বহিরঙ্গ মাত্র। কেবল ইহা হইতে অশোকের ধর্মানুরাগের তীব্রতা কম্বনা করা যাইবে না। দানের পশ্চাতে, সেবার মূল্যে, ধনের অভিমান কিংবা খ্যাতির লোভ থাকিতে পারে। প্রত্যক্ষ হিংসার কার্য হইতে বিরতি আলন্ন্য-কারণেও জন্মিতে পারে। কেবল সামাজিক নিয়মের বশবস্তৌ হইয়াও ব্রাহ্মণ-শ্রমণ ও দাস-ভূত্য-দিগের প্রতি ভজ্ঞ ব্যবহার করা যাইতে পারে। কিন্তু অশোক যে আন্তরিক ধর্মকামনায় এই সকল বাহ্য ধর্মানুষ্ঠানে প্রবৃত্ত হইয়াছিলেন, তাহারও ঘথেষ্ট প্রমাণ আছে।

মনে রাখিতে হইবে যে অশোক দুর্বল ও অলস ছিলেন না। যে যুক্তে লক্ষ লোক হতাহত হইয়াছিল, সে যুক্তে উভয় পক্ষে বহু লক্ষ সৈন্য থাকাই সম্ভব। অশোকের পিতামহ চন্দ্রগুপ্তের অসংখ্য অশ্বারোহী ও পদাতিক সৈন্য এবং বহু রথ, রণতরী ও রণহস্তী ছিল।

অশোকের সময়ে মগধের সেনাবল হ্রাস পাইয়াছিল, এরপ মনে করিবার কোন কারণ নাই। কেবল এক উৎকট ধারণার বশবত্তী হইয়া বে তিনি দিঘিজয়ের আদর্শ পরিত্যাগ করিয়াছিলেন এবং পুত্র-প্রপৌত্রদিগকে ধর্ম-বিজয়ের আদর্শ গ্রহণ করিতে উপদেশ দিয়াছিলেন, ইহা সম্ভব নহে। প্রবল ধর্মকামতা বা ধর্মরতি না থাকিলে তিনি রাজবংশের চিরাচরিত দিঘিজয়ের আদর্শ পরিত্যাগ করিতে পারিতেন না, এবং মৃগয়া ও রাজাদিগের অভ্যন্ত অস্তান্ত ব্যসনেও বিমুখ হইতেন না। তাহার অমুশাসনেই দেখা যাইবে যে ধর্মের প্রসারের জন্য তিনি পরিশ্রম ও অর্থব্যয়ে পরামুখ হন নাই।

অশোক স্পষ্টই বলিয়াছেন যে, তিনি অন্য কোন যশ বা কৌতু চাহেন না, কিন্তু জন-সাধারণের মধ্যে যাহাতে ধর্মপরায়ণতা সঞ্চারিত হয়, তাহারই যশ ও কৌতু তিনি কামনা করেন। ধর্মদানের মত দান নাই, সকল মঙ্গল-অঙ্গুষ্ঠানের মধ্যে ধর্মমঙ্গল শ্রেষ্ঠ। সকল বিজয়ের মধ্যে ধর্মবিজয় মুখ্যতম। সর্বভূত-হিতই তাহার প্রধান কাম্য। শ্রম ও তৎপরতা ব্যতিরেকে কিছুই হয় না। শুতরাং ভূত-ঝণ পরিশোধের জন্য তিনি শ্রম ও তৎপরতার সহিত কাজ করিতেছেন। যাহাতে সকলে ইহলোকে সুখ ও পরলোকে স্বর্গভোগ করিতে পারে, তাহাই তাহার শ্রমের উদ্দেশ্য।

অশোকের পূর্ববত্তী রাজারাও তাহাদের প্রজাদিগের নৈতিক উন্নতি কামনা করিতেন, কিন্তু তখন জন-সাধারণের মধ্যে ধর্মের প্রসার হয় নাই। অশোক ভাবিলেন, তাহা হইলে আমি কি উপায়ে ইহাদের মধ্যে ধর্মপ্রবৃত্তি জন্মাইব? কিরূপে ধর্মের উন্নতির সঙ্গে ইহাদের উন্নতি হইবে? তিনি স্থির করিলেন যে ধর্ম-কৌর্তন করিতে হইবে, ধর্ম-শিক্ষা দিতে হইবে। ধর্ম-কৌর্তন শুনিলে, ধর্ম-শিক্ষা সাভ করিলে, লোকের মনে ধর্মবৃক্ষ জাগ্রত

হইবে। বঙ্গলক্ষ প্রজার শাসনকর্তা রাজুকদিগকে ধর্ম-প্রচার ও ধর্ম-শিক্ষা দিবার জন্য আদেশ দেওয়া হইল। অভিষেকের দ্বাদশ বৎসরে অশোক যুক্ত, রাজুক ও প্রাদেশিকদিগকে পাঁচ পাঁচ বৎসর অন্তর রাজ্যের সর্বত্র ভ্রমণ করিয়া প্রজাদিগকে ধর্ম শিক্ষা দিতে আজ্ঞা করিলেন। ঐ বৎসরই প্রজার মঙ্গলের জন্য ধর্ম-শিল্প স্থান হইল। পরবৎসর ধর্ম-মহামাত্র নামক এক শ্রেণীর নৃতন কর্মচারী নিযুক্ত হইলেন। তাহারা রাজ্যের প্রত্যেক প্রদেশে এবং সীমান্তস্থিত ঘোন, কষ্টেজ, গান্ধার ও রাষ্ট্রিকদিগের মধ্যেও মানব-কল্যাণে আত্মনিয়োগ করিলেন। গৃহী ও সন্ম্যাসী, সকলের মঙ্গল ও সুখের ব্যবস্থা করাই তাহাদের প্রধান কর্তব্য হইল। নারী-দিগের নৈতিক উন্নতির ভার স্ব্যাধ্যক্ষ-মহামাত্রদিগের উপর অপ্রিয় হইল। ভারতবর্ষের ভিতরে ও বাহিরে, দেশে দেশে অশোকের নিয়োজিত প্রচারকেরা তাহার ধর্মের বার্তা লইয়া গেলেন। রাজা প্রিয়দর্শী এইরূপে দিঘিজয় পরিহার করিয়া ধর্ম-বিজয়ে প্রবৃত্ত হইলেন। তিনি ও তাহার কর্মচারীরা কেবল বাক্যের দ্বারা ধর্মের মাহাত্ম্য কৌর্তন করেন নাই, তাহারা স্বয়ং ধর্ম-আচরণ করিয়া ধর্ম-শিক্ষা দিয়াছিলেন।

অশোক কেবল কর্মচারীদিগের উপর লোক-শিক্ষার ভার দিয়া ক্ষান্ত হন নাই। অহিংসার মাহাত্ম্য কৌর্তন করিলেই সাধারণ লোকের হিংসার প্রবৃত্তি দূর হয় না। সুতরাং প্রিয়দর্শী দেশের রাজা হিসাবে কতকগুলি জীবহত্যা একেবারে নিষেধ করিয়া দিলেন। অভিষেকের ষড়বিংশ বৎসরে তিনি শুক, শারিকা, চক্রবাক, হংস, নন্দীমূর্খ, জতুক (বাহুড়), পিপীলিকা-মাতা (রাণী), কচ্ছপ, সজার, গণ্ডার, “ধর্মের ষণ্ঠি”, গ্রাম্য কপোত প্রভৃতি কতকগুলি জীবহত্যা একেবারেই নিষেধ করিয়া দিলেন। পৌষ পূর্ণিমায় মৎস্য-হত্যা ও মৎস্য-বিক্রয় নিষিদ্ধ হইল। গর্ভবতী ছাগী,

মেষী ও শূকরী এবং ছয় মাসের নিম্ন-বয়স্ক শাবক অতঃপর রাজাৰ আদেশে অবধি বলিয়া পরিগণিত হইল। পুণ্যদিনে ষণ, ছাগ, মেষ ও শূকরের পুরুষ-হানি বারণ হইল।

ইতিপূর্বে সাধারণের মধ্যে কতকগুলি উৎসব হইত। হয়ত এই সকল উৎসব উপলক্ষে যে সকল আমোদের ব্যবস্থা ছিল, তাহা সুনৌতি-সঙ্গত ছিল না। এখনকার মেলার মত এই সব উৎসবেও হয়ত নানা প্রকারের ছুরীতির প্রশ্রয় দেওয়া হইত। অশোকের আদেশে এই সকল উৎসব বন্ধ হইল। কিন্তু তিনি জানিতেন যে আমোদ-আহ্লাদের সমস্ত ব্যবস্থা একেবারে রাহিত করিয়া দিলে চলিবে না। এই জন্য যাহাতে লোকের মনে ধর্ম-কামনা জাগ্রত হয়, তিনি এমন কতকগুলি উৎসবের ব্যবস্থা করিলেন। তিনি তাহাদিগের চিন্ত-বিনোদনের জন্য বিমান, দিবাহস্তী, জ্যোতির্শয় দৃশ্য ও নানা প্রকারের দিব্যরূপ দেখাইবার ব্যবস্থা করিলেন। সপ্তদশ শতাব্দীৰ ইংরেজ রুচিবাগীশদিগের মত তিনি উৎসব-মাত্রকেই কল্পনের হেতু বলিয়া মনে করেন নাই, পরস্ত মানুষের স্বাভাবিক আনন্দলিঙ্গার সাহায্যেই ধর্মলিঙ্গ। বৃক্ষ করিবার চেষ্টা করিয়াছিলেন।

ধর্মের প্রতি আন্তরিক অনুরাগ না থাকিলে প্রিয়দর্শী সর্বভূত-হিতের জন্য এত শ্রম, এত উৎসোগ করিতে পারিতেন না। কলিঙ্গ-বিজয়ের পর ধার্মিকের পীড়াই তাহার অধিকতর ক্লেশের কারণ হইয়াছিল। কলিঙ্গের ব্রাহ্মণ, শ্রমণ ও অন্যান্য সম্প্রদায় এবং গৃহস্থদিগের মধ্যে এমন অনেক লোক ছিলেন যাহারা মাতাপিতা, গুরু ও জ্যোতিদিগের “শুক্রবায়” নিরত, এবং মিত্র, পরিচিত জন, সহচর, আত্মীয়, দাস ও ভূত্যদিগের প্রতি “সম্প্রতিপত্তি”-শীল। কলিঙ্গ-অভিযান-জনিত বধ ও উপঘাতে এই সকল ধার্মিক ব্যক্তি যে চৃংখ-যন্ত্রণা অনুভব করিয়াছিলেন, অশোকের বিচারে যুক্তক্ষেত্রের

লঙ্ক নরহত্যা অপেক্ষাও তাহা অধিকতর শোচনীয়। ধৰ্ম্মিকের প্রতি এই গভীর সহানুভূতিই অশোকের ধৰ্ম্মরতির প্রকৃষ্টতম প্রমাণ। আরুক কার্য্যের মহত্ব উপলব্ধি না করিলে, তৎপ্রতি প্রবল অনুরাগ না থাকিলে, অশোক বলিতেন না,—আমি বহু কল্যাণ করিয়াছি, আমার পুত্র, পৌত্র এবং পরবর্তী বংশধরেরাও কল্পান্তকাল পর্যান্ত যেন এইরূপ কার্য্যাই করে; আমার পুত্র ও পৌত্রেরা যেন নব বিজয় ইচ্ছা না করে, তাহারা যেন মনে রাখে ধৰ্ম্মবিজয়ই প্রকৃত বিজয়; ধৰ্ম্মবিজয়ই ইহলোকে ও পরলোকে ফলপ্রদ।

প্রিয়দর্শীর ধৰ্ম্মপ্রচার-প্রচেষ্টা কত দূর সফল হইয়াছিল? এই প্রশ্নের উত্তরও তিনি নিজেই দিয়া গিয়াছেন। গিরিলেখমালার চতুর্থ অনুশাসনে অশোক বলিতেছেন,—বহুশত বৎসর ধরিয়া প্রাণিবধ, জীবহিংসা, আস্ত্রীয় ও শ্রমণ-ক্রান্তিদিগের প্রতি অভদ্রতা প্রচলিত ছিল, অধুনা দেবতাদিগের প্রিয় প্রিয়দর্শী রাজার “ধৰ্ম্মচরণ”-হেতু ভেরীঘোষ ধৰ্ম্মঘোষে পরিণত হইয়াছে, অর্থাৎ পূর্বকালের কুনীতি দূর হইয়া স্থুনীতির প্রচলন হইয়াছে। অয়োদশ অনুশাসনে তিনি বলিতেছেন,—দেশে বিদেশে বহুলোক তাহার প্রচারিত ধৰ্ম্ম গ্রহণ করিয়াছে; তিনি ধৰ্ম্মবিজয়কেই মুখ্যতম বিজয় বলিয়া মনে করেন; এদেশে এবং প্রত্যন্ত দেশসমূহে তিনি এইরূপ বিজয় বহুবার লাভ করিয়াছেন, এমন কি ছয়শত ঘোজন দূরে, যেখানে অংতিয়োক নামক ঘোন রাজা রাজত্ব করেন এবং তাহার রাজ্যের বাহিরে যে সকল দেশে তুরময়, অংতিকিনি, মক এবং অলিকসুদর নামক চারিজন রাজা রাজত্ব করেন, দক্ষিণে চোল-পাঞ্চ এবং তাম্রপণি (সিংহল) পর্যান্ত সকল রাজ্যে, তথা রাজার নিজরাজ্যের ভিতরে ঘোন-কষ্টোজদিগের মধ্যে, নাভক-নাভপন্থিদিগের মধ্যে, ভোজ-পিতিনিকদিগের মধ্যে, অঙ্গ-পারিষদিগের মধ্যে,—সর্বত্র ধৰ্ম্মানুশাসন অনুসৃত হইতেছে; এমন কি ঘাহাদের নিকট তাহার

দূতেরা যায় নাই, তাহারাও এই ধর্মানুশাসন ও ধর্মবিধানের কথা শুনিয়া তাহা প্রতিপালন করিতেছেন এবং করিবেন; সর্বত্র বহুবার লক্ষ এই বিজয় (ধর্মবিজয়) বাস্তবিকই প্রতিকর।

অশোক যে ধর্ম-প্রচারের জন্য এন্টিয়োকস্, টলেমি, এন্টিগোনস্ প্রভৃতি গ্রীক রাজাদিগের দেশে ও দক্ষিণ সীমান্তের চের, চোল, সিংহল প্রভৃতি রাজ্যে দূত পাঠাইয়াছিলেন, তাহাতে সন্দেহ করিবার কারণ নাই। গ্রীক রাজারা যেমন পাটলিপুত্রের রাজদরবারে দূত পাঠাইতেন, পাটলিপুত্রের মৌর্য রাজগণও তেমনই গ্রীক রাজাদিগের রাজধানীতে দূত পাঠাইয়া থাকিবেন। কিন্তু তাহাদের প্রচারের ফলে এই সকল দেশে অশোকের ধর্ম সাধারণের মধ্যে কতটা সমাদৃ লাভ করিয়াছিল তাহা বলা কঠিন। অশোকের ধর্মবিজয়ের বিবরণে কিছু কিছু অতিরঞ্জন থাকা অসম্ভব নহে। তিনি দৃতগণের নিকট যেকোন সংবাদ পাইয়াছিলেন, তাহাই লিখাইয়া থাকিবেন। কিন্তু অশোকের উপদেশগুলি এমন সরল ও এমন উদার যে, সকল দেশে, সকল সমাজে তাহার আদর হওয়াই স্বাভাবিক। সত্য, দয়া, সংযম, ভাব-শুद্ধি প্রভৃতি গুণাবলীর প্রয়োজনীয়তা কোন দেশ, কোন জাতি, কোন সমাজ অস্বীকার করিবে? সিংহলের প্রাচীন গ্রন্থ ও অবদান হইতে জানা যায় যে, অশোকের প্রচারকদিগের চেষ্টায়ই সেখানে বৌদ্ধ ধর্মের প্রবর্তন ও প্রসার হইয়াছিল। কিন্তু এইখানে আর একটি প্রশ্ন উঠিতেছে, অশোক কি বৌদ্ধ ছিলেন?

অশোক যে বৌদ্ধ ছিলেন তাহাতে এখন আর বিস্তুমাত্র সন্দেহ নাই। অনুশাসনেই তাহার সন্তোষজনক প্রমাণ রহিয়াছে। একদা পশ্চিম-সমাজে কাহারও কাহারও এই ধারণা ছিল যে, অশোক পূর্বপুরুষের ধর্ম পরিত্যাগ করিয়া বৌদ্ধ ধর্ম গ্রহণ করেন নাই। সন্তানের পক্ষে পিতামাতার আজ্ঞাপালন, কনিষ্ঠের পক্ষে জ্যেষ্ঠের আজ্ঞাপালন, শিষ্যের পক্ষে আচার্যের আজ্ঞাপালন, আন্তরণ ও

শ্রমণদিগের প্রতি যোগ্য সম্মান-প্রদর্শন, যোগ্য পাত্রে দান—কেবল বৌদ্ধ ধর্মমতে নহে, হিন্দু শাস্ত্রমতেও অবশ্য-পালনীয় কর্তব্য। শাস্তি ও তৃপ্তির জন্য অহিংসা, মার্দব ও আত্মপরীক্ষার প্রয়োজনীয়তা সকল ধর্মই স্বীকার করে। শাস্ত্রের কথা ছাড়িয়া দিয়া কেবল ব্যবহারিক দৃষ্টিতে বিচার করিলেও দেখা যাইবে যে, পুত্র পিতার আজ্ঞা পালন করিলে, কনিষ্ঠ জ্যোষ্ঠের আদেশ পালন করিলে, পারিবারিক শৃঙ্খলা অব্যাহত থাকে; পিতামাতার প্রতি পুত্রের শ্রদ্ধা থাকিলে এবং দাস ও ভূত্যদিগের প্রতি প্রতু ভদ্র ব্যবহার করিলে, সংসারে অশাস্ত্রির সন্তাবনা অস্ত্র ; নিম্নপদস্থ ব্যক্তি উচ্চপদস্থ কর্মচারীর আজ্ঞা প্রতিপালন করিলে, উভয়ের মধ্যে সংঘর্ষের অবকাশ থাকে না। অতএব এই সকল সাংসারিক-অভিজ্ঞতা-লক্ষ নৌতি-প্রচারের সহিত কোন বিশেষ ধর্মমতের সম্পর্ক নাও থাকিতে পারে। পণ্ডিত-সমাজে এই যুক্তিই তখন প্রবল ছিল।

কিন্তু অশোকের অনুশাসনেই প্রকাশ যে তিনি কনকমুনি-বুদ্ধের স্তুপ সংস্কার করিয়াছিলেন এবং সম্বোধি ও লুম্বিনীতে ধর্ম্যাত্মা করিয়াছিলেন। এই ছুইটিই বৌদ্ধ তৌর্থস্থান। স্তুপ-সংস্কারের যুক্তি সহজেই খণ্ডন করা যাইতে পারে। অশোক ব্রাহ্মণ, শ্রমণ, আজীবিক ও নিগ্রহ (জৈন) দিগকে সমদৃষ্টিতে দেখিতেন। তিনি যেমন কনকমুনি-বুদ্ধের স্তুপ সংস্কার করিয়াছিলেন, তেমনই আজীবিকদিগকেও বাসের নিমিত্ত তিনটি গুহা দান করিয়াছিলেন। শিবাজী মুসলমানদিগের ধর্মস্থানে প্রদীপ দিবার জন্য নিকুর জমি দান করিয়াছিলেন, কিন্তু তিনি মুসলমান ছিলেন না। টিপু সুলতান শৃঙ্গেরীর মঠ-সংস্কারের জন্য অর্থ দান করিয়াছিলেন বলিয়া হিন্দু হইয়া যান নাই। স্বতরাং কনকমুনি-বুদ্ধের স্তুপ সংস্কার করিয়াছিলেন বলিয়াই যে অশোক বৌদ্ধ হইয়াছিলেন, এমন কথা মনে করা যায় না। সম্বোধি-গমনের সম্বন্ধেও বলা যাইতে পারে যে, গয়া হিন্দুরও

তীর্থক্ষেত্র। কিন্তু রাজ্যন্দেশের স্তম্ভলিপি পাঠ করিলে সন্দেহ থাকে না যে রাজা প্রিয়দর্শী শাক্যমুনি-বুদ্ধের অনুরক্ত ভক্ত ছিলেন। ভগবান् বুদ্ধের জন্মস্থানে গিয়া তিনি কেবল অর্চনা ও স্তম্ভ-স্থাপন করিয়া ক্ষান্ত হন নাই, তিনি লুম্বিনী গ্রামের রাজস্ব আংশিক মাপ করিয়া আসিয়াছিলেন।

এতদ্ব্যতীত অশোকের হস্তীর প্রতি অন্ধার ভাবও লক্ষ্য করিবার বিষয়। সাধারণ লোকের ধর্ম-প্রবৃত্তি জন্মাইবার জন্য তিনি দিব্যহস্তী দেখাইবার ব্যবস্থা করিয়াছিলেন। কাল্মৌতে অশোকলিপির পার্শ্বেই গিরিগাত্রে হস্তীর একটি সুন্দর রেখাচিত্র আছে। তাহার নৌচে লেখা আছে “গজতমে” বা গজশ্রেষ্ঠ। ধৌলির অশোক-লিপির উপরিভাগে পাথর কাটিয়া হস্তিদেহের পুরোভাগ রচিত হইয়াছে। গিরনারে হস্তীর মূর্তি বা চিত্র নাই, কিন্তু ত্রয়োদশ অনুশাসনের নৌচে একটি লেখার অবশিষ্টাংশ রহিয়াছে “.... র্বষ্টেতো হস্তি সর্বলোক-সুখাহরো নাম”। বৌদ্ধশাস্ত্রমতে গৌতম মাতৃগর্ভে আসিবার কালে শ্঵েত হস্তীর রূপ ধারণ করিয়াছিলেন। অতএব হস্তী, বিশেষতঃ শ্঵েত হস্তী, বৌদ্ধদিগের চক্রে অতি পবিত্র। স্বতরাং কাল্মৌর “গজতমে”, গিরনারের “সর্বলোক-সুখাহরো” শ্঵েতহস্তী এবং ধৌলির হস্তিমূর্তি অশোকের বুদ্ধ-ভক্তিরই পরিচয় দিতেছে। অশোকের অনেক স্তম্ভ-শীর্ষে কোথাও বা একটি, কোথাও বা একাধিক সিংহ-মূর্তি দেখা যায়। কাহারও কাহারও মতে ঐ সকল সিংহ-মূর্তি শাক্যসিংহেরই প্রতৌক। অশোক সারনাথে স্তম্ভ স্থাপন করিয়াছিলেন। সারনাথে ভগবান্ বুদ্ধ প্রথম ধর্মপ্রচার করেন। এইখানেই তিনি ধর্মচক্র প্রবর্তন করেন। সারনাথের স্তম্ভশীর্ষে সিংহ-চতুষ্পায়ের মধ্যে একটি চক্র ছিল। ইহাকে ধর্মচক্রেরই প্রতিক্রিয়া মনে করা অসঙ্গত হইবে না। অশোকের একটি শিলাস্তম্ভের শীর্ষে বৃষগূর্তি এবং অন্ত স্তম্ভে অশোকের চিত্র আছে। বৃষ বুদ্ধের জন্ম এবং

অথ তাহার মহাভিনিক্রমণ দ্বোতনা করিতেছে। অশোকের শিলাস্তম্ভে সিংহ, বৃষ, অশু ও ধর্মচক্রের সমাবেশ একেবারে আকস্মিক ও নিরর্থক বলিয়া মনে করা যায় না।

এই প্রমাণও অভুমানসাপেক্ষ বলিয়া অগ্রহ হইতে পারে। কিন্তু এলাহাবাদ-স্তম্ভলিপির কৌশাস্ত্রী-অভুশাসনে ও সারনাথের স্তম্ভলিপিতে যখন দেখি যে তিনি সজ্জের শৃঙ্খলা ও ঐক্যের কথা উৎপন্ন করিতেছেন, যখন কলিকাতা-বৈরাট লিপিতে দেখি যে, তিনি সজ্জকে অভিবাদন করিয়া বলিতেছেন,—বৃক্ষ, সজ্জ ও ধর্মের প্রতি আমার ক্রিপ গভীর আস্থা এবং শ্রদ্ধা তাহা আপনারা অবগত আছেন,—এবং যখন মস্কি লিপিতে তাহাকে বলিতে দেখি,—কিঞ্চিদধিক আড়াই বৎসর হইল আমি বৃক্ষ-শাক্য হইয়াছি,—তখন প্রিয়দর্শী অশোকের ধর্মমত সম্বন্ধে আর সন্দেহের অবকাশ থাকে না।

ভগবান् বুদ্ধের সুভাষিতাবলীর কোন্ কোন্টি অশোক বিশেষ প্রণিধানযোগ্য বলিয়া মনে করিতেন, কলিকাতা-বৈরাট লিপিতে তিনি তাহাও স্পষ্ট করিয়া বলিয়া গিয়াছেন। তাহার মতে নিম্নলিখিত সাতটি বৃক্ষ-ভাষিত “ধর্ম-পর্যায়” ভিক্ষু ও ভিক্ষুণীগণের, তথা উপাসক ও উপাসিকাগণের, পুনঃ পুনঃ শ্রবণ ও মনন করা উচিত:—
 (১) “বিনয়-সমুকসে”, (২) “অলিয়-বসাণি” (অঙ্গুত্তর নিকায়),
 (৩) “অনাগত-ভয়ানি” (অঙ্গুত্তর নিকায়), (৪) “মুনি-গাথা” (মুনি-
 স্মৃতি—স্মৃতিনিপাত) (৫) “মোনেয়-সূতে” (নালক-স্মৃতি—স্মৃতিনিপাত),
 (৬) “উপতিস-পসিনে” (মজ্জিম নিকায়ের রুথবিনীত-স্মৃতি), এবং
 (৭) “লাঘুলোবাদে” (মজ্জিম নিকায়ের রাহলোবাদ-স্মৃতি)।

অশোকের পিতা ও পিতামহ বৌদ্ধ ছিলেন না। সুতরাং মনে করিতে হইবে যে, কলিঙ্গ-বিজয়ের পর অশোক ধর্মাস্তুর গ্রহণ করিয়াছিলেন। যাহারা ধর্মাস্তুর গ্রহণ করে, তাহারা সাধারণতঃ

পরধর্ম সমষ্টি অসহিষ্ণু হইয়া থাকে। কিন্তু অশোকের আচরণে এই নিয়মের ব্যত্যয় দেখা যায়। ঠাহার মহামাত্রেরা ব্রহ্মণ, শ্রমণ, আজীবিক, নির্গুণ প্রভৃতি সকল সম্প্রদায়ের সম্মাসনী ও গৃহস্থদিগের হিত-সাধনে ব্যাপৃত ছিলেন। ঠাহার অনুশাসনে সর্বদাই ব্রহ্মণ ও শ্রমণদিগকে সম্মান ও দানের পাত্র বলিয়া নির্দেশ করা হইয়াছে। ব্রহ্মণ ধর্মের বিরোধী কোন বিধান অনুশাসনে দেখা যায় না। সাধারণতাবে জীবহিংসা নিষেধ হয়ত যজ্ঞে পশ্চ-বলির বিরোধী বলিয়া মনে হইতে পারে। কিন্তু স্তুতিলেখমালার পঞ্চম অনুশাসনে যে সকল জীবজন্ম অবধ্য বলিয়া উল্লিখিত হইয়াছে, তাহাদের একটিও যজ্ঞে বলি দিবার যোগা নহে। রোগে, বিবাহে, জাতকর্ষে, যাত্রাকালে সাধারণ লোকেরা কতকগুলি মঙ্গল অনুষ্ঠান করিয়া থাকে। গিরিলেখমালার নবম অনুশাসনে অশোক এই সকল মঙ্গলকর্ম নিষ্ফল ও নিরৰ্থক বলিয়া প্রকাশ করিয়াছেন। কিন্তু সঙ্গে সঙ্গে তিনি ইহাও বলিয়াছেন যে, সাধারণতঃ নারী-জাতিরই এই সকল মঙ্গলকর্মে অধিকতর আগ্রহ দেখা যায়। এখানে তিনি ব্রহ্মণ ধর্ম বা হিন্দু সমাজের প্রতি বিশেষ করিয়া কটাক্ষ করিয়াছেন বলিয়া মনে হয় না। সকল সমাজের ও সকল সম্প্রদায়ের নারীদিগের মধ্যেই অল্প বিস্তর কুসংস্কারের প্রভাব দেখিতে পাওয়া যায়। শুতরাঃ অশোক যে অনুষ্ঠানগুলির নিষ্ঠা করিয়াছেন, তাহা যে হিন্দু বা জৈন সমাজের মধ্যেই প্রচলিত ছিল, বৌদ্ধ গৃহস্থদিগের মধ্যে ছিল না, এমন কথা অস্তুতঃ অশোকের ধর্মলিপিগুলির মধ্যে কোথাও নাই। শুতরাঃ মনে করা অসঙ্গত হইবে না যে, এখানে তিনি ধর্মনির্বিশেষে কতকগুলি প্রচলিত লোকিক আচারেরই নিষ্ঠা করিয়াছেন, অপরের ধর্ম বা অন্য সমাজের নিষ্ঠা করেন নাই।

গিরিলেখমালার সপ্তম অনুশাসনে দেবতাদিগের প্রিয় প্রিয়দর্শী রাজা বলিয়াছেন যে, সকল সম্প্রদায়ের লোকেরা যাহাতে ঠাহার

রাজ্যের সর্বত্র বাস করিতে পারে, তাহাই তিনি ইচ্ছা করেন। অমুশাসনে তিনি তাহার প্রজাগণকে স্ব-সম্প্রদায়ের প্রশংসা এবং অন্ত সম্প্রদায়ের নিষ্ঠা করিতে নিষেধ করিয়াছেন। তিনি বলিয়াছেন,—“দেবতাদিগের প্রিয় প্রিয়দর্শী রাজা সকল সম্প্রদায়ের সম্মানী ও গৃহস্থদিগকে বিবিধ দান ও পূজা দ্বারা সম্মানিত করিয়া থাকেন। কিন্তু দান ও পূজা সম্বন্ধে তিনি সেরূপ উচ্চ ধারণা পোষণ করেন না যেন্নপ সকল সম্প্রদায়ের সারবৃক্ষি (ধর্মমতের সার বস্তুর উপলক্ষি) ইচ্ছা করেন। বহুবিধ উপায়ে ইহা হইতে পারে। কিন্তু মূলতঃ বাক্সংযম প্রয়োজন। অকারণে নিজ সম্প্রদায়ের স্তুতি ও অন্ত সম্প্রদায়ের নিষ্ঠা করা উচিত নহে, বরঞ্চ সর্বদা অপর সম্প্রদায়ের প্রশংসা করাই কর্তব্য। তাহা হইলে নিজ সম্প্রদায়ের উন্নতি এবং অপর সম্প্রদায়ের উপকার করা হয়।” অতএব দেখা যাইতেছে যে, অশোকের নিকট সকল সম্প্রদায়ই সমান পূজা ও দান লাভ করিয়াছে। তিনি ধর্মান্তর গ্রহণ করিলেও কোন ধর্মের বা কোন সম্প্রদায়ের অনাদর করেন নাই, উৎপীড়ন ত দূরের কথা। তিনি উপদেশ দিয়াছেন যে সকলেই নিজ নিজ ধর্মের সারতত্ত্ব বা মূলনীতি উপলক্ষি করিবে।

অশোক পরলোকে বিশ্বাস করিতেন। অমুশাসনে অনেক স্থানে পরলোকের কথা, পারলোকিক মঙ্গলের কথা, স্বর্গের কথা বলা হইয়াছে। গিরিলেখমালার দশম অমুশাসনে আছে যে, প্রিয়দর্শী রাজা যাহা কিছু করিতেছেন সমস্তই পারত্বিক মঙ্গলের জন্য। রাজার কেবল পরলোকের কথা চিন্তা করিলে চলে না। কোটি কোটি লোকের স্বৃত্তহংখের তার তাহার উপর জন্ম। ইহলোকের প্রতি তিনি উদাসীন হইলে দেশে অরাজকতা হইবে, প্রবলের হাতে দুর্বল উৎপীড়িত হইবে, প্রজার ধন ও জীবন নিরাপদ রহিবে না। শান্তিপ্রিয়, পৃতচরিত্র রাজা দেশের শান্তি রক্ষা করিতে পারেন নাই,

ইতিহাসে এরূপ দৃষ্টান্ত বিরল নহে। সুতরাং পরলোকের চিন্তায় অশোক ইহলোকের কর্তব্যে বিমুখ হইয়াছিলেন কি না, ব্যক্তিগত ধর্মের সহিত তিনি রাজধর্মের সামঞ্জস্য বিধান করিতে পারিয়াছিলেন কি না, এ প্রশ্নের আলোচনা করা আবশ্যিক।

এই প্রসঙ্গে একটি বিষয় অনুধাবন করা প্রয়োজন। অশোক জীবহিংসা হইতে যথাসাধা নিযুক্ত হইয়াছিলেন। ধর্ম হিসাবে অহিংসার শ্রেষ্ঠত্ব তিনি স্বীকার করিয়াছিলেন। কলিঙ্গ-অভিযানের ফলে হতাহত ও দেশান্তরিত নরনারীর পরিজনদিগের দৃঃখে তিনি ব্যথিত হইয়াছিলেন। তিনি বলিয়াছেন যে, অতঃপর ইহার শক্তাংশ, এমন কি সহস্রাংশ, লোকের ঈদৃশ পীড়াও প্রিয়দর্শীর পক্ষে বিশেষ পরিতাপের বিষয় হইবে। কিন্তু এখন পর্যন্ত যতগুলি ধর্মলিপি পাওয়া গিয়াছে তাহাতে কোথাও এমন কথা নাই যে, কোন কারণেই কাহারও প্রাণদণ্ড কিংবা কারাদণ্ড হইবে না। বরঞ্চ অশোক যে প্রাণদণ্ড ও কারাদণ্ড নিষেধ করেন নাই, অনুশাসনে তাহার স্পষ্ট প্রমাণ রহিয়াছে। স্তন্ত্রলেখমালার চতুর্থ অনুশাসনে মৃতুদণ্ডে দণ্ডিত অপরাধীদিগকে তিনি দিন সময় দিবার বিধান রহিয়াছে। ঐ সময়ের মধ্যে দণ্ডিত ব্যক্তিগণের আত্মীয়-স্বজনেরা তাহাদের প্রাণরক্ষার নিমিত্ত রাজুকদিগের নিকট আবেদন করিতে পারিতেন, অথবা আত্মীয়-স্বজনের অভাবে দণ্ডিত ব্যক্তি ঐ তিনি দিন দান ও উপবাস প্রভৃতি পুণ্য কর্ম দ্বারা পরলোকের কল্যাণের উপায় করিতে পারিত। ধোলি ও জৌগড়ের প্রথম অতিরিক্ত অনুশাসনে অশোক বলিতেছেন,—“কারাদণ্ডে দণ্ডিত ব্যক্তির প্রতি কখনও কখনও কঠোর ব্যবহার করা হয়; কখনও কখনও এমন হয় যে, একজন দণ্ড হইতে অন্যাহতি লাভ করে, আর অপর অনেকে দণ্ড ভোগ করিতে থাকে। মহামাত্রেরা এরূপ ক্ষেত্রে সকলের প্রতি অপক্ষপাতিত দেখাইবেন। ঈর্ষা, ক্রোধ, নির্ভুলতা, অনভিজ্ঞতা, আলঙ্ঘ ও ক্লান্তির জন্য এরূপ

হয়। অতএব তাহারা এই সকল দোষ বর্জন করিতে চেষ্টা করিবেন।” স্মালেখমালার পঞ্চম অনুশাসনের শেষে অশোক বলিতেছেন, “আমি এবাবৎ পঞ্চবিংশতিবার বন্দীদিগকে মুক্তি দিয়াছি।” এই অনুশাসনে অভিষেকের ষড়বিংশতি বৎসরের কথা স্থানে হইয়াছে, এবং এই অনুশাসনেই শুক, শারিকা, কমঠ, শুঙ্ক প্রভৃতি জীবের হত্যা নিষেধ করা হইয়াছে। যদি তিনি নিজরাজ্য প্রাণদণ্ড বা কারাদণ্ড রাখিত করিতেন, তাহা হইলে অনুশাসনেই তাহা বলা হইত। কিন্তু তিনি বলিয়াছেন যে, তিনি পঞ্চবিংশতিবার বন্দীদিগকে মুক্তি দিয়াছিলেন। অতএব দেখা যাইতেছে যে, রাজ্য শান্তি ও শৃঙ্খলা রক্ষার জন্য তিনি যোগ্য ক্ষেত্রে অপরাধীদিগের প্রাণদণ্ড বা কারাদণ্ড নিষেধ করেন নাই। বিচার-কার্য্যে পক্ষপাতিত্বের তিনি নিন্দা করিয়াছেন, এবং মৃত্যুদণ্ডে দণ্ডিত ব্যক্তিদিগের বিষয় পুনর্বিবেচনার জন্য, অন্যথা তাহাদিগের পারলৌকিক কল্যাণের জন্য, তিনি তাহাদিগকে তিনি দিন সময় দিয়াছিলেন। তাহার রাজত্বে বৎসরে একবার করিয়া কারাদণ্ডে দণ্ডিত ব্যক্তিদিগকে মুক্তি দেওয়া হইত। তিনি লঘুদণ্ডের পক্ষপাতী ছিলেন।

অনুশাসনের প্রমাণ হইতে জানা গেল যে, প্রিয়দর্শী অশোক বৌদ্ধধর্ম গ্রহণ করিয়াছিলেন, কিন্তু অন্য ধর্ম বা সম্প্রদায়ের লোক-দিগকে তিনি বুদ্ধের ধর্ম গ্রহণ করাইবার চেষ্টা করেন নাই। তাহার ধর্ম্মত অত্যন্ত উদার। তাহা সকল সম্প্রদায়ের গ্রহণযোগ্য এবং সকল ধর্মের মূলনীতি হইতে সন্তুলিত। বুদ্ধ-শাক্য অশোক যেমন বলিয়াছেন—

“সাধু মাত-পিতিশু স্বস্ত্রী মিত-সংখৃত-নাতিক্যাণং চ বংভন-সমন্বানং চ সাধু দানে পানানং অনাংলভে সাধু” (গি—লে, ৩, কাল্মী)—

তিনি যেমন “গুরুনংসুক্ষম” (গি—লে, ১৩, শাবাজগড়ী) ধর্মের

অঙ্গ বলিয়া মনে করিয়াছেন, তিনি যেমন বলিয়াছেন,—“অয়ঃ তু মহাফলে মংগলে য ধংম-মংগলে” (গি—লে, ৯, গিরনার), তিনি যেমন সম্প্রদায়-নির্বিশেষে ধর্ম পালন করিতে উপদেশ দিয়াছেন, তেমনই ভারতবর্ষের প্রাচীন ঋষিরাও বলিয়াছেন—

“ওঁ ধর্মং চর, ধর্মাং পরং নাস্তি, ধর্ম সর্বেষাং ভূতানাং মধু, ওঁ মাতৃদেবো ভব, পিতৃদেবো ভব, আচার্যদেবো ভব, সত্যান্ন প্রমদিতব্যম্,
ধর্মান্ন প্রমদিতব্যম্, কুশলান্ন প্রমদিতব্যম্।”

প্রাচীন হিন্দুদিগের মতেও—

“অহিংসা পরমো ধর্ম”।

অশোকের ধর্মে আমরা ভারতবর্ষের প্রাচীন উদার ধর্মমতের প্রতিধ্বনি শুনিতে পাই। তিনি দেশে বিদেশে এই ধর্মের বাণী প্রচার করিয়াছেন। কিন্তু বৌদ্ধধর্মের নির্দেশ পালন করিতে গিয়া তিনি রাজধর্মের অপলাপ করেন নাই। রাজাৰ কর্তবোৱাৰ সহিত তিনি গৃহীৱ কর্তব্যেৰ সামঞ্জস্য রক্ষা করিয়াছিলেন। গার্হস্থ্য ধর্মেৰ সহিত তিনি সন্নাস ধর্মেৰ সমন্বয় সাধন করিয়াছিলেন। তিনি দণ্ডেৰ সহিত ক্ষমার, শক্তিৰ সহিত সংযমেৱ, এবং আদর্শেৰ সহিত বাস্তবেৰ ঐক্য স্থাপন করিয়াছিলেন।

উপসংহার

এতক্ষণে আমরা রাজা অশোকের, ধর্মোপদেষ্টা অশোকের পরিচয় পাইলাম। সকল বিভূতি বাদ দিলে যে মানুষটি থাকে, তাহার পরিচয় পাইবার কি কোন উপায় আছে? মানুষের পরিচয় কতকটা পাওয়া যায় তাহার কাজে, কতকটা তাহার ব্যবহারে। আধুনিক কালের বড় লোকদিগের চরিত্র বিচার করা অপেক্ষাকৃত সহজ। হাজার হাজার চিঠি পত্রে তাহাদের মনের ছাপ রইয়াছে। সমসাময়িক ব্যক্তিদিগের রোজনামচায় অপরে তাহাদের সম্বন্ধে কি মনে করিত, তাহার আভাস হয়ত পাওয়া যাইবে। বহু ক্ষেত্রে পত্নী, পুত্র অথবা এমনই কোন নিকট আঘীয়, সুস্থদ্র ও বন্ধুরা হয়ত তাহার জীবনের কথা লিখিয়া গিয়াছেন। সুতরাং একালের বড় লোকদিগের জীবন-চরিত্রের উপকরণ যেমন প্রচুর তেমনই বিচিত্র ও নির্ভরযোগ্য। অশোকের কোন সমসাময়িক জীবনকথা পাওয়া যায় নাই। পরবর্তী কালে বৌদ্ধ লেখকেরা যে সকল অবদান রচনা করিয়াছেন, তাহা কতদূর নির্ভরযোগ্য তাহা বলা কঠিন। তাহাদের প্রধান উদ্দেশ্য ছিল অশোকের চরিত্র অবলম্বন করিয়া বৌদ্ধধর্মের মাহাত্ম্য কীর্তন করা। নিষ্ঠুর, হৃদয়হীন, স্বজনহস্তা চওশোক বুদ্ধের কৃপায় কেমন করিয়া হঠাতে ধর্মাশোকে পরিণত হইলেন, তাহাই পরবর্তী কালের অবদান-সমূহের প্রতিপাদ্য বিষয়। সুতরাং এই সকল অবদানে আমরা সর্বদা সত্যের সম্মান নাও পাইতে পারি। অবদান ও কিংবদন্তী বাদ দিলে বাকী থাকে অশোকের ধর্মলিপি ও স্তম্ভ এবং গুহা কয়টি। শিল্পের ভিতর দিয়া যেমন শিল্পীর মনের

পরিচয় পাওয়া যায়, তেমনই তাহার পুরক্ষণ্ঠা ও পৃষ্ঠপোষকের রুচিরও পরিচয় পাওয়া যায়। চীন দেশের পরিব্রাজকেরা বিভিন্ন সময়ে অশোকের যে সকল স্তুপ ও প্রাসাদ দেখিয়াছিলেন, তাহা নষ্ট হইয়া গিয়াছে। চন্দ্রগুপ্ত ও অশোক যে প্রাসাদে বাস করিতেন, তাহা এখন কুমরাহারের মৃত্তিকাতলে লুপ্ত। প্রত্নতত্ত্ব-বিভাগের চেষ্টায় তাহার গুটি কয়েক শিলাস্তম্ভ পাওয়া গিয়াছে। প্রাসাদের আয়তন ও রচনানীতি সম্বন্ধেও যে কতকটা অনুমান না করা যায় তাহা নহে। কিন্তু তাহার বেশী আর কিছু সন্তুব নহে। সুতরাং সেই সময়ের শিল্পের ভিতর দিয়া যদি আমরা তাহার রুচির পরিচয় লইতে চেষ্টা করি, তাহা হইলে কয়েকটি শিলাস্তম্ভ, গিরিশুভা এবং গিরিলিপিই আমাদের একমাত্র সম্বল।

অশোকের সময়ে যে তক্ষণ শিল্প বিশেষ উৎকর্ষ লাভ করিয়াছিল, তাহাতে সন্দেহ নাই। পাথরের পালিশের কাজেও মৌর্য শিল্পীরা বিশেষ নৈপুণ্য দেখাইয়াছেন। তাই ঘোল শত বৎসর পরেও সুলতান ফিরজ অশোকের লাটের শোভায় মুগ্ধ হইয়াছিলেন। এ পর্যাস্ত যে কয়টি অশোকস্তম্ভ আবিষ্কৃত হইয়াছে, তাহার অধিকাংশই ভগু। স্তম্ভের শীর্ষে কোথাও হস্তী, কোথাও অশ্ব, কোথাও বৃষ, কোথাও সিংহ, কোথাও বা শিলাময় ধর্মচক্র রচিত, ছিল। তাহাদের আসনের নিম্নভাগ কাহারও কাহারও মতে প্রাচীন পারাম্পর্যের প্রচলিত রীতি অনুসারে নিম্নমুখী ঘণ্টার অনুকরণে, কাহারও কাহারও মতে অর্ধ-উন্মেষিত শতদলের অনুকরণে পরিকল্পিত। তাহারই নীচে কোথাও বা খাত্তাদ্বেষণ-রত হংসমুখ ও ধর্মচক্র, কোথাও শতদল ও অন্য পুষ্প। সারনাথে সিংহ-চতুষ্পায়ের আসন সিংহ, গজ, বৃষ ও অশ্বের মূর্তিতে পরিশোভিত। রুম্মিন্দেষ্ট-স্তম্ভের শীর্ষে নাকি অশ্ব-মূর্তি ছিল, এখন আর নাই, বজ্জাঘাতে লাটের চূড়া ভাঙিয়া গিয়াছে, ঘোড়াও ভাঙিয়া গিয়াছে। রামপুরবার স্তম্ভ-চূড়ার বৃষ



ରାମପୁରବାର ଅଶୋକ ତନ୍ତ୍ରେର ସ୍ଥଳ

মৌর্যশিল্পের একটি সুন্দর নির্দশন। অশোকের স্তম্ভের পশ্চত্তলি
যেমন জীবন্ত ও ভাবব্যঙ্গক তেমনই শক্তি ও মহিমাদ্রোতক।
উনবিংশ শতাব্দীতে একজন ইংরেজ শিল্পী এলাহাবাদ-স্তম্ভের জন্ম
একটি সিংহ-মূর্তি নির্মাণ করিতে গিয়া উপহাসের পাত্র হইয়াছিলেন।
মৌর্যশিল্পী-রচিত সিংহের তুলনায় ইংরেজশিল্পী-পরিকল্পিত সিংহ
ক্ষুদ্রকায় “পুড়ল” কুকুরের ন্যায় প্রতীয়মান হইয়াছিল।

অশোকের স্তম্ভগুলির বিশেষত্ব এই যে, তাহা একদিকে যেমন
সুষ্ঠাম, অন্তদিকে তেমনই অলঙ্কারের বাহুল্য-বজ্জিত। প্রত্যেকটি
পশ্চ, পক্ষী ও পুষ্প নিপুণতার সহিত নির্মিত, আর স্তম্ভের শীর্ষে
কিংবা পাদমূলে কোথাও প্রয়োজনের অতিরিক্ত কোন সজ্জা নাই।
স্তম্ভের শোভা তাহার মস্তণতায়। এই মস্তণতা বরাবর-গিরিগাত্রে
খোদিত গুহার প্রাচীরেও দৃষ্ট হয়। অশোকের ধর্মলিপিগুলিও
পাথর ঢাঁচিয়া পরিষ্কার করিয়া তাহার উপর পরিচ্ছন্ন-ভাবে লেখা।
কাল্পনীর হস্তীর চিত্রে অনাবশ্যক একটি রেখাও নাই। তখনকার
শিল্পের সামঞ্জস্য ও বাহুল্যহীনতা বাস্তবিকই লক্ষ্য করিবার বিষয়।
মানুষের জীবনে অশোক যেমন আতিশয় পছন্দ করিতেন না,
শিল্পে তেমনই তিনি কোথাও আতিশয়ের বা অনাবশ্যক অলঙ্কারের
প্রশংস্য দেন নাই। শাহজাহানের সৌধাবলীর ও অশোক-স্তম্ভের
সহিত অন্ত কোন দিক দিয়া হয়ত তুলনা হয় না, কিন্তু একথা স্বতঃই
মনে হইবে যে, এই দুই বিভিন্ন যুগের বিভিন্ন শিল্পের পুরুষকর্তা ও
পৃষ্ঠপোষকেরাও বিভিন্ন প্রকৃতির ও বিভিন্ন রূচির লোক ছিলেন।

অশোকের শিল্পে যেমন, তাহার অনুশাসনের ভাষায়ও তেমনই
অসাধারণ সংযম দেখা যায়। ধর্মলিপির কোথাও অনাবশ্যক কোন
বিশেষণ নাই, প্রিয়দর্শী সর্বত্র সরল ভাষায় স্পষ্ট করিয়া তাহার
বক্তব্য বলিয়া গিয়াছেন। অলঙ্কারের ভাবে তাহার ভাষা আড়়ষ্ট
হয় নাই, সজ্জার বাহুল্যে তাহার শিল্প বিকৃত হয় নাই। সুতরাং

মনে করা অসঙ্গত হইবে না যে, অশোকের জীবন ছিল নিতান্তই সরল এবং ব্যক্তিগত জীবনে তিনি কখনও আড়ম্বরের প্রশ্নয় দেন নাই। সাধারণ গৃহস্থের ঘরে জন্মগ্রহণ করিলে তিনি হয়ত ছোট একটি বাড়ীতে বাস করিতেন। তাহাতে সজ্জার বাহুল্য না থাকিলেও পরিষ্কার-পরিচ্ছন্নতা ও সামান্য উপকরণের শোভার জন্য হয়ত সকলেই গৃহস্থামীর রুচির প্রশংসা করিত। তিনি নিশ্চয়ই অন্নভাষ্মী ছিলেন এবং আত্মীয়-পরিজন ও পোষ্যগণের সহিত ভদ্র ব্যবহার করিতেন। আদর্শবাদী লোকেরা সাধারণতঃ ভাবপ্রবণ হইয়া থাকেন, স্মৃতরাং অশোকের চরিত্রেও বোধ হয় এই ভাবপ্রবণতা বিশেষ ভাবেই দেখা যাইত। সে সময়ের প্রচলিত কুসংস্কার হইতে তিনি বোধ হয় মুক্ত ছিলেন। পীড়ার কারণে বা বিবাহোপলক্ষে বা যাত্রাকালে হয়ত তাহার গৃহে তৎকাল-প্রচলিত নির্বর্থক মঙ্গল অনুষ্ঠিত হইত না। তিনি পরিশ্রম ও তৎপরতার সহিত আপনার কর্তব্য কাজগুলি করিয়া যাইতেন, কিন্তু জটিল দার্শনিক তত্ত্বের সমাধানের চেষ্টা বোধ হয় তিনি করিতেন না। অনুশাসনের কোথাও তিনি দার্শনিক তত্ত্বের বা যুক্তির অবতারণা করেন নাই। ব্রাহ্মণ-শ্রমণদিগকে তিনি সাধ্যমত দান করিতেন। পরলোকে তিনি বিশ্বাস করিতেন এবং স্বর্গ-কামনাও তাহার ছিল। দেবদেবৌদ্দিগের প্রতি তাহার বিশ্বাস ছিল কি না, তাহা নিশ্চিত বলা যায় না, কিন্তু তিনি সাধারণ লোকের মধ্যে ধর্মপ্রবৃত্তি জাগাইবার জন্য দিব্যকূপ-সমূহ প্রদর্শনের ব্যবস্থা করিয়াছিলেন। বৈষ্ণব বিনয় বোধ হয় তাহার ছিল না। অনুশাসনের কোথাও “মুই অতি ছার”-ভাব নাই। বরঞ্চ তিনি যে সকল সৎকার্য করিয়াছিলেন, তাহা আত্মপ্রসাদ-সহকারেই উল্লেখ করিয়াছেন।

মানুষ হিসাবে অশোক কেমন ছিলেন আলোচনা করা গেল। সাধারণ গৃহস্থের ঘরে জন্মগ্রহণ করিলে তিনি কি করিতেন, তাহা

কল্পনা করিয়া লাভ নাই। কারণ তাহার জন্ম হইয়াছিল “আসমুদ্ধ-ক্ষিতীশের” প্রাসাদে। বাল্য জীবনে তিনি কিরণ শিক্ষা পাইয়াছিলেন আমরা জানিন। তবে পূর্ববর্তী রাজাদিগের সময়ের কথা তিনি অনুশাসনে যেরূপ ভাবে উল্লেখ করিয়াছেন, তাহাতে মনে করা অস্থায় হইবে না যে, তাহার কৈশোর ও যৌবনের শিক্ষা পরবর্তী জীবনের আদর্শ ও আচরণের অনুকূল ছিল না। বৌদ্ধধর্মে দীক্ষা গ্রহণের পর তিনি সন্ন্যাস লইয়াছিলেন কি না, সে প্রশ্নের বিচার এখানে না করিলেও চলে। যদি পিতামহের মত তিনি অপ্রতিহত প্রতাপে রাজ্যের পর রাজ্য জয় করিয়া যাইতেন, যদি তিনি পরবর্তী কালের শঙ্খ ও গুপ্ত নৃপতিগণের স্থায় অশ্বমেধ যজ্ঞ করিয়া নিজের শক্তি ও সম্পদের খ্যাতি প্রচার করিতে চাহিতেন, যদি শক্র-নারীগণের বলাপ তাহার চারণগণের উল্লাস বৃদ্ধি করিত, তাহা হইলে বোধ হয় মৌর্য বংশের প্রতিষ্ঠা ও সম্পদের সহিত তাহার আচরণের অসঙ্গতি হইত না। কিন্তু কলিঙ্গের লক্ষ-নরশোণিতসিক্ত তরবারি চোল, চের, সত্যপুত্র, কেরলপুত্র ও তাত্রপর্ণীর কোটিনরুড়িরপানে প্রবৃত্ত না হইয়া হঠাতে বিজয়ের দীপ্তি মুহূর্তে কোষবন্ধ হইল। রণতৃণ্য, রণভেরৌ সহসা স্তুত হইয়া গেল। অশোক দিঘিজয়-যাত্রা বন্ধ করিয়া অহিংসা ও শান্তির পথ আশ্রয় করিলেন। তাহার পূর্বে কেবল আর একজন রাজপুত্র, কপিলাবস্তুর শাক্য রাজকুমার, জীবের দুঃখে কাতর হইয়া মৃত্যির পথ, নির্বাণের পথ অব্যবহণ করিতে বাতির হইয়াছিলেন। অশোকের পরে মাত্র আর দুইজন মহামানব পৃথিবীতে প্রেমের ও শান্তির বাণী প্রচারে প্রবৃত্ত হইয়াছিলেন। কিন্তু বেথ্লেহেমের সূত্রধর-পুত্র যীশু ও নবদ্বীপের ব্রাহ্মণকুমার নিমাই, উভয়েই পরাধীন জাতির লোক, রাজনীতির ভাবায় “দাস-জাতি”র মানুষ। একালের দর্শনের মতে দুর্বল দাস-জাতিই ইহলোকে বিমুখ হইয়া পরলোকের মঙ্গলের

আকাঞ্জায় কুচ্ছ সাধনে প্রবৃত্ত হয়। আব্যাত করিবার শক্তি ও সাহস যাহাদের নাই, তাঁহারা ক্ষমা ও প্রেমের মাহাত্ম্য কৌর্তন করেন। তাই যীশুর তিরোধানের বহু পরে রাজার জাতি তাঁহার ধর্ম গ্রহণ করিয়া বিকৃত করিয়াছে, আর চৈতন্তের ধর্ম আজ পর্যন্ত কোন শক্তিমান् রাজার জাতি গ্রহণ করে নাই। অশোক দুর্বল ছিলেন না। যিনি লক্ষ নরবলি দিয়া কলঙ্গ জয় করিয়াছিলেন তিনি যে আরও লক্ষ বলি দিয়া তাত্ত্বপর্ণী পর্যন্ত সাম্রাজ্য বিস্তার করিতে পারিতেন না, এমন কথা জোর করিয়া বলা চলে না। দিঘিজয়ের পথ হইতে সহসা একপ ভাবে কোন সম্রাট্ অহিংসার পথে আসিয়াছেন কিনা জানি না। ধার্মিক রাজা হয় ত আরও হইয়াছেন, কিন্তু সর্ব-ধর্ম-সমষ্টয়ের চেষ্টা কয় জন করিয়াছেন জানি না। করিয়াছিলেন বাদশাহ আকবর, তাই তাঁহার অনুরক্ত প্রজাগণ দিল্লীখনকে জগদীশ্বরের আসন দিয়াছিল। কিন্তু তিনিও রাজ্যলিঙ্গ। ত্যাগ করিয়া শান্তির পথ, অহিংসার পথ, সর্বভূতের কল্যাণের পথ গ্রহণ করিতে পারেন নাই। ইচ্ছা করিলে, অশোক আলেকজাণ্ড্র, সৌজার ও নেপোলিয়নের মত বৌরখ্যাতি অর্জন করিতে পারিতেন কি না, সে কথা আলোচনা করিয়া লাভ নাই। নেপোলিয়নের প্রতিভা না থাকিলেই যে নেপোলিয়নের মত রাজ্যলিঙ্গ। থাকিবে না, এমন বলা যায় না। এখানে বিচারের বিষয় এই যে, যাহারা বিশ্বের ইতিহাসে দিঘিজয়ী বৌর বলিয়া খ্যাতি লাভ করিয়াছেন, তাঁহারা জাতি-ধর্ম-বর্ণ-নির্বিশেষে মানুষের অধিকতর হিত-সাধনের চেষ্টা করিয়াছেন, না দিঘিজয়-বিমুখ অশোক তাঁহাদের অপেক্ষা অধিক নবহিতৈষী ছিলেন? এই প্রশ্নের উত্তর সম্বন্ধে কোন সন্দেহই থাকিতে পারে না।

অশোক চাহিয়াছিলেন পৃথিবীতে শাশ্঵ত শান্তি স্থাপন করিতে, সমাজ হইতে হিংসা, দ্বেষ, হত্যা, উপবাত দূর করিতে। তাঁহার

বিশাল হৃদয়ের ব্যাপক স্নেহ সমস্ত জীব-জগতের কল্যাণ-কামনায় নিরত ছিল। এরপ মহাপুরুষের জন্ম কেবলমাত্র ভারতবর্ষেই সম্ভব, কারণ ভারতের ঋষিগণ কখনও বিশ্বাস করেন নাই যে, জীব-কল্যাণের ব্যত্যয়ে মানব-কল্যাণ হইতে পারে। ভারতের তপোবনে যে শান্তি-বচন পঠিত হইয়াছে, তাহা হইতে চেতন, অচেতন, কিছুই পরিত্যক্ত হয় নাই। প্রাচীন ঋষিরা সর্বজীবের, সর্বলোকের শান্তি কামনা করিয়াছেন, কারণ তাহারা মনে করিতেন যে, সমস্ত লোক, সমস্ত জীব এক অঙ্গের নিয়মের সূত্রে আবদ্ধ। তাই একদিন ভারতের ঋষিকঢ়ে উদান্ত স্বরে গীত হইয়াছিল—

ॐ ত্রৌঃ শান্তিঃ
অন্তরীক্ষং শান্তিঃ
পৃথিবী শান্তিঃ
আপঃ শান্তিঃ
বনস্পতযঃ শান্তিঃ
বিশ্বে দেবাঃ শান্তিঃ
অক্ষ শান্তিঃ
সর্বং শান্তিঃ
শান্তিরেব শান্তিঃ
সা মা শান্তিরেধি ।

অশোক বৌদ্ধ হইলেও ভারতবর্ষের সন্তান। প্রাচীন ঋষির এই শান্তি-বচনের সহিত বৌদ্ধ ধর্মের বিরোধ নাই। নর ও পশু, সর্বজীবের, সর্বভূতের কল্যাণ-সাধনের চেষ্টা করিয়া অশোক পৃথিবীতে শাশ্঵ত শান্তি প্রতিষ্ঠা করিতে চেষ্টা করিয়াছিলেন। তাহার বাণী আজ আমরা বিস্মৃত হইয়াছি, তাই জগতে এত অশান্তি। আজ আকাশ মৃত্যুর অঙ্ককারে আচ্ছন্ন, বাতাস মৃত্যুর বাপ্পে বিষাক্ত, সলিলে হত্যার বিভীষিকা, বনস্পতি মারণ-যন্ত্রের আশ্রয়,—জলে,

স্তলে, অন্তরীক্ষে আজ হত্যার অবাধ লীলা চলিতেছে। আজ শান্তি কোথায়? কল্যাণ কোথায়? মঙ্গল কোথায়? স্বার্থের সংস্থাতে লোভ আজ হত্যার উগ্র মৃত্তি ধারণ করিয়াছে। কে ইহাকে শান্ত ও সংষত করিবে? দুর্বলের অহিংসা এই হিংসার পদতলে পিষ্ট হইয়া, দুটি হইয়া, মরিয়া যাইবে। এমন কোন দিঘিজয়ী বীর কি এখন নাই, যিনি অশোকের আদর্শ অনুসরণ করিতে পারেন? এখন কি এই হত্যা-সমাচ্ছন্ন, হিংসা-সুন্দর, লোভ-জর্জরিত পৃথিবীর বুকে আর কোনও ধর্মবিজয়ী রাজবিহার হইবে না? যদি না হয়, তাহা হইলেও পৃথিবী হইতে অশোকের বাণী, অশোকের আদর্শ, অশোকের ধর্ম একেবারে লুপ্ত হইবে না। সার্ক দ্বিসহস্র বর্ষ পূর্বে যে রাজবি কলিঙ্গবিজয়ের নরহত্যা হইতে নিবৃত্ত হইয়া কল্যাণের পথে, শান্তির পথে প্রবৃত্ত হইয়াছিলেন, তাহার কথা শান্তিকামী মানুষ হত্যা ও হিংসায় বিভ্রত হইয়া একদিন কৃতজ্ঞচিত্তে শ্মরণ করিবে।
